

834W53

Ow 1896



NOTICE: Return or renew all Library Materials! The Minimum Fee for each Lost Book is \$50.00.

The person charging this material is responsible for its return to the library from which it was withdrawn on or before the **Latest Date** stamped below.

Theft, mutilation, and underlining of books are reasons for disciplinary action and may result in dismissal from the University.

To renew call Telephone Center, 333-8400

UNIVERSITY OF ILLINOIS LIBRARY AT URBANA-CHAMPAIGN

Westfälische Gedichte.





Westfälische Gedichte

Von

Hermann Wette



zweite Auflage

Mit dem Bildnis des Verfassers

Berlin, Köln, Leipzig.

Verlag von Albert Ahn.

Druck der Kölner Verlags-Anstalt und Druckerei, A.-G. in Köln.

A. McN. 28 Oct 24

834W53
Ow1896

Rattermann

Dem

Andenken meiner Eltern.



Inhalts-Verzeichniß.

Gedichte:	Seite
Maidag	3
De Härgott sin Gärner	4
Twée Rätsels	6
Bur, holl stur!	7
Lewerin	8
Mond un Abendstärken	10
En graut Unglück	12
Op jedweden Teewen — En Spielmusikant	14
Min Mäken sin Utstür	16
Waigenleedkes	19

Wat de Wind vertellt.*

De Wind	23
Aprilwind	24
Stilltanfäden	25
Dull Tug	26
O wunderfchöne Summernacht	28
De Wolken	29
Hermänneken un Mariänneken	30
De Kartenspieler	34
Ne olle Geschicht	35
En Lährstück opt Kamsöleken	36

* Unter dem Titel **Was der Wind erzählt** sind die folgenden Dichtungen früher in demselben Verlage erschienen und nun vergrißen.

	Seite
Nicks in Natur, nicks in de Welt	38
Maiensang	42
Sängers Daut	43
Stille Laifde	44
Härgottspärdken	45
Mander-sälig-alleen	46
Windstille	47
Grant was de Maut	48
Schön Lisbet	50
Miljans	51
Läbensmö	56
Twée Kinnerdönkes	59
De stille Hottemann	62
De gude Dat	63
Dat Gewitter	64
De Härfft	68
Graf Eckbärt	69
Tau late	73
De rugge Wilm	74
Winter	78
Vergiewens	79
Ellernlaifde	80
Dat Sniderdönken	81
Draum un Würfeskait	83
Wu de Musik von'n Hiemel kam	85
Dat hauge Leed an't Vaterland	88
Dat Läbens-Blatt	89
Wörter=Verzeichniß	95



Gedichte.




	Seite
Nicks in Natur, nicks in de Welt	38
Maiensang	42
Sängers Daut	43
Stille Laifde	44
Härgottspärdken	45
Mander-sälig-alleen	46
Windstille	47
Graut was de Mant	48
Schön Eisbet	50
Mäljans	51
Läbensmö	56
Twee Kinnerdönkes	59
De stille Hottemann	62
De gude Dat	63
Dat Gewitter	64
De Härfft	68
Graf Eckbärt	69
Tau late	73
De rugge Wilm	74
Winter	78
Vergiewens	79
Ellernlaifde	80
Dat Sniderdönken	81
Draum un Wirkeltait	83
Wu de Musik von'n Hiemel kam	85
Dat hange Leed an't Vaterland	88
Dat Läbens-Blatt	89
Wörter-Verzeichniß	95



Gedichte.





Maidag.

Maidag, wo büs du denn?
 Segg mi doch, wo blifs du denn?
 Eiggs du no in daipen Slap,
 Un wi hö't hir al de Schap?

Maidag, so hör doch to,
 Wacker op un täum nich so!
 Wees nich, dat de Kuckuck schrait
 Un dat flain Viölsken blaiht?

Maidag, de Märt is ut,
 Kick es ut de Är herut!
 Kine Köll mär döt di wat,
 Kin Aprilschur gütt di natt.

Maidag, du Wunnermann,
 Gau treck't gröne Bücksken an
 Un den bunten Blaumenrock
 Un befräns di Haut un Stock!



De Härgott sin Härner.

Herut ut de Hüscher, gau, Kinnerkes, gau,
 Besiht ju dat Wunner hier buten, kumt tau:
 De Härgott sin Härner, de nüdlige fant,
 De laislige Maidag is kumen in't Land.
 Is flogen vom Hiemel heraf op de Är,
 Sall't schön hier us maken, so will et de Här.
 Den Winter, den Brummbär, so grof un so butt,
 Den mag he nich liden, drüm dreef he em futt.
 Nu owwer — jau, Kinner, nu kist ju't es an,
 Kist, wat doch de Maidag nich alles kann!
 Wo ümmer he henkümt, allöwerall lacht
 In Wöller un Seller de härlikste Pracht.
 So eben no grisig, un nu al so grön,
 Un Blaumen dotüsken, so bunt un so schön:
 Kum dat met dat Schütken en Lössken he mäck,
 Sofats auf en Bläumken den Kopp herutstäck
 Un lacht em so fröndlik un nicköppt em an,
 Äs woll et em seggen: „Du laislige Mann,
 Wu frai'k mi, dat endlik vom Hiemel wier küms
 Un't Slot von min Hüsken herunner wier nims!
 Un nümmer bliff täumig de sitige Mann —
 Jä, Kinner, da niemt ju en Bispiel dran:
 Kist, wu he hanteeret, so hennig un gau,
 Un gar nich verdraitslik, he singt no dotau;
 Nicks wät em tau sur, alls gaiht em so licht,
 Em lacht bi de Urbait dat ganse Gesicht.
 De Hiegen un Strücker, de hät he nu t'recht,
 Un't will mi schinen, he moß et nich slecht:

Dat glänst un gläut in bunten Schin,
 Dat rüch so schön, dat rüch so fin —
 Män segg es, al wedder en Wunner parat?
 Jaujan, för de Biefe den firdagsstat,
 för de lustige Biefe den Blaumenfrans,
 Den sall se sif ündon, et gaiht jä taum Dans,
 Taum Dans hophopsa! dör Wisken un feld,
 Taum Dans in de härlike Häreottswelt.
 Da frait et sif owwer, dat glückelke Wicht!
 Wu blinkt in de Sunn är dat blanke Gesicht!
 Wu munter se gnüggelt, wu lustig se lacht,
 Se draff jä wier dansen bi Dag un bi Nacht!
 Un wu nu davonlöpt de nüdlike Deern,
 Röpt Kuckuck! de Maidag — he spaßt jä so gern —
 Un Kuckuck! so klingt et boll hier un boll da,
 Un Kuckuck! so schallt et boll wit un boll nah.
 Här Maidag appattens laip gau in den Wold
 Un blöß op de flaitpip von Sippefappholt.
 O Wunnermann! Kum fängs tau flaiten du an,
 Kin Dugel da länger mär still swigen kann:
 Dat pipet un prahlet, dat frischet un frait,
 Dat jippet un juchet, dat tutet un schrait,
 Dat klinget un singet de Bäum hendal,
 Trompetet un smettert dör Bärge un Dal:
 Här Maidag! Här Maidag! we hät di dat lährt?
 De Wunner, wo häs du de saihen un hört?
 Wat läwet un wäwet, glücksälige nu lacht,
 Den Hiemel häs du op de Ärde us bracht!
 O hiemliske Gärner — Män Dunner, segg an,
 Wo is he denn bliwen, de Wunnermann?

Al boben am Hiemel? Al hang in de Höcht?
 Dat möck appat wieten, of dat auf wul döcht:
 He mäck jä den Hiemel so gris un so swatt,
 He gneeset so grüliß — wat fall mi denn dat?
 Täuß, täuf män, du Racker! du güß us jä natt,
 Du splenters un plärs us jä natt äs ne Katt!
 Gau Kinnerkes! gau de Müsß von'n Kopp,
 Här Maidag gütt ju den Mairägen drop;
 Un wär't ji von unnen büs boben auf natt,
 För't Wassen, dat gläuft mi, da batt et appat!



Twée Råtsels.

Jß kenn en Kättken, dat nich flait,
 Nich must un auf mian! nich schrait,
 Den Kopp in finen Mälkpott stäck
 Auf finen Dugel bange mäck.

Wenn't auf fin Müs' un Ratten frätt,
 Doch Jeder laiß dat Kättken hät;
 Dat Kättken op de Bäume löpt,
 Wenn ut'n Busß de Kuckuck röpt.

uølpəppuəqieæi

Jß weet en stillen Wäwersmann,
 De wäßt so schön as't finer kann;
 De sitt da gient an Hiemelsrand
 Un würkt en Kleet met flinke Hand.

He mäc̃ dat schönste swatte Daut
 Un hiemelblaen Sammet aut,
 Un gülden Litsen breet un graut,
 De blinkt un blenkert purpuraunt.

He sticht ut sülwern Sid un Twärn
 Dat Mündken un de dusend Stärn,
 De sett't met stillbergnögten Sinn
 He in dat swatte Daut herin.

Soball as't buten düster wät,
 De Welt nicks mär te dauen hät,
 Treckt he är an dat Stärnenkleed
 Un singt datau en Waigenleed.

Ringsüm wät alles rüg un still,
 Nicks mär sik röhr'n un weggen will —
 He röpt no sinnig: „Gude Nacht!“
 Un Alles slöpt dann weef un sacht.

•••••



Bur, holl stur!

Min fell is grof,
 Min Härt is fin,
 Ik mögg üm Alls
 Mich anners fin.

Ik sin en Bur
Vom platten Land,
Häf Hansken nich
An mine Hand.

Doch Holsken dräg
Ik an min Föt,
Den Härgott dräg
Ik in't Gemöt.

O wahr di, Här,
Dörn growen Bur;
Wo de di päck,
Da hält he stur!



Lewerink.

Du küms vom Hiemel doch gewiß,
Nich wahr, min laiwe Lewerink?
De Härgottsode sölwer büs,
Nich wahr, min lütke flaignink?

Du stigs un flügs den ganzen Dag
De Hiemelsledder op un af,
Sings Morgens sölfs frau Sunne wach,
Wenn't Mündken nich mär löchten draf.

„frau Sunn waßt op! frau Sunn, waßt op!
De Landmann treckt da gient heran.
frau Sunn, de Nachtmüß gau vom Kopp,
Süs lacht ink ut de brave Mann!“

frau Sunn nich tweemol wecken lät:
 Süß da! wu hennig, flink un gau,
 Dat Alles fin un suber wät,
 Hanteert un schafft de wackre frau!

Den Hiemel hät's al blinke-blank,
 De Niewel fütt ut Bärg un Dal,
 Nu weckt de Mägel se taum Sang —
 Kwick Läben brengt se öwerall.

Du owwer flügs herunner wier
 Un röps: Gott help di, Landmann, gau!
 De Urbait füllt di Schopp un Schür,
 Gott help di, Landmann, wacker tau!

Erst hät de Plaug met klauken Sinn
 Taum Winterslap de Bettkes maßt:
 Sattförnkes kröpen da herin,
 Um Maidag sind se oppewacht.

No högger as din Suhn, süß an,
 Staiht nu de gäle ripe Sat;
 So lauhnt de Urbait brawen Mann,
 Süß, wat se nicköppt stif un stat!

Gott help! nu dängel dine Sais,
 för Stadt un Land schaff Braud, o Bur!
 Dat owwer jau nich stille staihs,
 frau Sunne süht't, se ligg op Eur!

Gott help! Gott help! röps Allen tau,
 Un Alle frait sit, wenn se't hört.
 De Urbait gaiht no mol so gau
 Bi söcke fröndlich gude Wörd.

Kümt dann de Jmt met forte Rast,
Röps wier: Gott säg'n di't, Ackersmann!
Du smäck Taihnührken na de East
Un erst dat Tabackspipken dann!

Gott lauhn't, min laiwe Lewerink!
Jawul, du büs us beste Fründ;
Män't beste Körnken, Flaigesflink,
Wi Landsü di auf gärne gönnt.

Gott lauhn din laiwen Morgensang —
Süh da, flügs wier na'n Hiemel hen?
Dat dau! för all dat Gut segg Dank,
Dat he us gaf met vulle Hänn!



Mond un Abendstärnken.

Gud'n Abend, gud'n Abend, min laiwe Man
Stiggs endlik auf tau Höchten?
Wo blifs du denn so lang te gahn?
Kumm tau, du moß us löchten.

Kumm, lat de Stärnkes nich alleen,
Wis är den Wäg an'n Hiemel,
Damet är jau nich bitt in't Been
De graute Bär, de Lämmel!

Kumm, löcht de Blaumen un de Sat,
Damet se wassen könnenet,
Süs morgen, wenn's nich fin und stat,
frau Sunne grülik schennet! —

Du trus di nich? Ai sapperlaut!
 Kick tau, din laiwe Deernken,
 Dagient in gülden Abendraut
 Da staiht dat Abendstärnken.

So fick doch, wu et winkt un winkt,
 As woll't in Laif vergahen,
 Wu't Aug' em funkelt, blist un blinkt,
 As söll et flammen slaen!

Taum Düker, wees nich, wat et will?
 Et is jä trügge bliwen,
 Et wocht't op di un staiht da still
 Un mögg di'n Mülken giewen.

Wat? Ridders, biefs an'n gansen Eif
 Un wäs gans bleef vör Schrecken,
 Et mögg frau Sunn, dat böse Wif,
 Di glifs een dröwer trecken?

Du Angstebücks! frau Sunn is futt,
 De kann di nich mär saihen;
 De Abendkloffen häft al lutt,
 Nicks kann di mär geschaihen.

So laup doch, wat du laupen kanns,
 Süs gaiht na Hus din Deernken,
 Süs mott, du olle Drümelhans,
 Tau Berr dat smucke Stärnken!

Nene, nu segg't doch gar nicks mär:
 He lät et wärklik gahen,
 As wenn he Bli in'n Eiwe härr,
 So blif de Slipstärt stahen!

Da fick! Nu is dat Stärken futt!
 Dat is di recht geschaihen,
 Nu frigg alleen, du Gneeseputt,
 Un hör de Ulen schraien! —

Jegjan! Käm so min Ansefi,
 Ich wör mi fats im Klaren,
 Käm auf de Ollsf un schimpte mi
 Un pöck mi bi de Ohren.



En graut Unglück.

Deernken! Deernken! segg, wat dais du?
 O vergieft är, laime Gott,
 Dat je met de Dükersaugen
 In min Härt en für hät bott.

Jan, en für so heet un glainig,
 Dat if bang sin, alls verbrennt:
 Kann't doch't Water all nich dömpen,
 Dat ut mine Augen rennt!

* * *

Tau Hölp, tau Hölp! Et brennt, et brennt!
 Min Härt stahht gans in Flammen!
 Dat für dör alle Glieder rennt,
 Slät öwer'n Kopp tausammen!

O Vater, Mauder, Süster laupt —
 O könn't doch sölwer rennen —
 Laupt hennig, laupt, Marjännken raupt,
 Süs moß no gans verbrennen!

Marjännken ist, de Köhlung hät,
 So'n nüdlich Köhle-Külken —
 O segt är, dat se nich vergät:
 Dat raude söte Mülken!

*

Wat büs du doch en Lichtfint, Härt,
 Dat du de Dör laits open!
 Nu häs din Straf: De Fräden futt,
 Op't Wierkumen drafs nich hopen.

Nu hät en Schelm sif in di sett't,
 En Schelm vull lütter Nücken,
 De röpt boll hott! de röpt boll har!
 Eät baigen di un bücken.

Un woß nich gans verlaten sin,
 Moß bäden no un bitten:
 O söte, laiwe Deernken min,
 Blif doch in Härten sitten!



Op jedweden Teewen — En Spielmusikant.

Kick, kick es, da trippelt
Se öwer de Strat,
Nu kick, wu se trappelt
So fin un so stat!

As spilde de Musiik,
So danst se dahär,
As slög se met flitten
Hen öwer de Är.

De wittrauden Bäckskes,
So frist un gesund,
As Pärstken in'n Summer
So nüdlik un rund!

Nu kick, wu de Racker
De Cäne mi wiß!
Segg, könn i auf biten?
Gans siefer gewiß!

„Gud'n Morgen!“ Wu't Händken
So patzig mi winkt!
Iß föhl't, in de Strümpe
Dat Härte mi sinkt.

Wst Händken wul kratset?
O wüß icke dat!
Iß green un iß lachde
De Augen mi natt!

De blitsblanken Kifers —
 O Gott stah mi bi —
 As wollen se brennen,
 So prückert de mi!

Män Dunner, wat saih iß?
 Da staiht se jä still!
 Dat moß appat wieten,
 Wat de von är will.

Wu gaiht är dat Mülken
 So gibbelig gau,
 Wu't frusblunde Köppchen
 Nissköppet datau!

Wat? Strickels nu auf no
 Den Ollen de Hand?
 Is glöf, iß verlais no
 Min bietken Verstand!

Gott sägn' di, dat olt büs,
 So olt as är Var,
 Süs, Männken, de Härgott
 De Knoßen di wahr!

Nu dänfelt se wider —
 O Jessesmariau!
 Se trippelt, se trappelt
 Jä jüßt op mi tau!

Du trippels, as härres du
 Schwernäuter, du fant,
 Op jedweden Tewe
 En Spielmusikant!

Du trappels mi sieker
 Ut Rand un ut Band —
 Ik gief mi an't Laupen,
 De Düker holl Stand!



Min Mäken sin Urstür.

Min Mäken hät en Hüskén,
 Von Holt nich, nich von Steen,
 Kin Timmermann hät't maket,
 Un doch is't wunner schön.

Da schafft en lütten Engel
 Puckpuck! bi Dag un Nacht:
 Dat is de laiwe Frohsinn,
 De alltid fröndlik lacht!

* * *

Twée Kammern hät min Mäken
 Dat segg kin Menskenmund,
 Von Glas so schön un prächtig
 Als't blae Hiemelsrund.

Dör blanke Fenster fiket
 De Laifde un de Trü,
 De nicket mi un winket:
 „Wu laif doch häwwi di!“

* * *

Twée Mägde ommer daint är,
So gif't nich wit un sit,
So hennig, gau un sitig
Un suber doch alltid.

De netten drallen Dinger,
Op Urbait blot bedacht,
Schafft met de Puddelfinger
Büs in de late Nacht.

* * *

Auf hät min Kind en Spinnrad,
Dat suset di so flink,
Dat bliff nich stille stahen,
Et is en snackig Ding.

Dat spinnet all de Wörtkes,
De mi so laislif klinget,
As Engelfes im Hiemel
Gewiß nich schöner singt.

* * *

Un damm twee eegne Pärdes,
De laupet op un af,
De trippelt un de trappelt
Den ganzen Dag im Dras.

Un denck, de können auf dansen,
Soboll se hört Musik;
Un is, is arme Düker,
Mott met herüm soglik.

* * *

Nu omwer erst dat Kleedfen,
 Dat nümmer nich verslitt,
 Un't smucke sneewitt Schörtfen,
 Dat an fin Dörn territt!

O laime Kinner=Enfolt,
 Wu büs du doch so söt!
 O raine Härtensunschuld,
 Wu röhrs du min Gemöt!

* * *

Dat Dofter un Apteler
 Min Mäken nümmer brücht,
 Hät et en siefer Mittel,
 In't Paradies is't plücht.

Op runde Pusebäckses
 Gesundhaitskrüffen staiht,
 Dat friske, raude Bläumfen
 Sölfs Middewinter blaiht.

* * *

Nich wahr, is' kann wul lachen,
 Is' häf ne rife Brut?
 Kin Graf un auß fin Küninß
 Sin Kind stürt bäter ut.

Män't Beste doch von Allen:
 Kin Düwel nimt är af;
 Denn all den grauten Rißdum
 De Härgott sölfs är gaf.

* * *

De gaf är auf dat Slötken,
Womet se alls verslütt —
Jf owwer häf den Slütel,
Wat mangereen verdrütt.

O Slötken du so glainig,
O Slötken fürig raut —
Jf draf der nich an denken,
Süs wät mi't tau benaut!



Waigenleedkes.

Haia, Kindken, if waige di,
Härr if en Stöcksen, dann slaig icke di,
Dai di dat weh, dat jammerde mi,
Darüm si ruhig, dann frai icke mi!

Haia, Kindken, if waige di,
Wör if so mö nich, dann draig icke di,
Wör icke du, un du waigedes mi,
Slaip if al lange, dat glaiwe du mi!

* * *

Susewind, nu suse!
Drai Waigen in eenen Huse!
Sall de Vader nich bange wärden,
Süht he so 'nen Sägen op Ürden?
Hät nich Braud of Schinken,
Hät fine Mälk taum Trinken,

Hät fin Korn in'n Kasten,
Müte de Kinnerkes fasten.
Susewind, nu susel!


Mahle, Müller, mahle!
Bur, de Schullen betahle!
Sall dat Kindken nich Hunger liden,
Mott de Mauder em Brand affniden.
Braud, dat bäck de Bäcker,
Korn, dat dräget de Äcker,
Gott lät Sünneken schinen;
Kinnerkes dröwet nich grinen!
Mahle, Müller, mahle!

Slap, min Kindken, slape!
Buten gahet de Schape,
Springt de Lämmerkes al in't Wide,
Häft se Wulle so weel as Side,
Häft auk witte säute,
Häft auk Mälk so säute,
Häft en Wibbelstärcken,
Häft en lammfromm Härcken,
Slap, min Kindken, slape!



Wat de Wind vertelt.





De Wind.

Ik sijn de ewige Wannersmann,
 Mott wannern dör de ganze Welt,
 Na Norden, Süden, Ost un West,
 So is't von Anfang an bestellt.

Dat graute, wide Ärdenrund
 Mott ik dörwannern Dag und Nacht,
 Sit för dat schöne Menskenkind
 De Sunn an'n Hiemel fröndlik lacht.

Min Wäg gaiht dör de frie Lucht,
 De Hiemelswolken sünd min Roß,
 De Ärde is min Königsriß,
 Se is min härlik, lustig Sloß.

Na't graute Water jag ik hen,
 Un öwer't Water wier tau Land,
 • Breng Niewel un den Rügen met,
 Dräg Wärmd un Köll in mine Hand.

Wat ümmer op un üm de Är,
Wat wät un läßt un wier vergaiht,
Wu't Anfang un wu't Ende nimt,
Dat Alles mine Augen saiht.

Ik saih de Är in Maienpracht,
In Winters witte Eifenkleed;
De Menskhait saih'k in bunte Lust,
In swatte Trur, in düster Leed.

Ik saih den starken Mensfengeest,
De Risenarbeit von Verstand,
Ik saih, wu sine mächt'ge Hand
De graut' un fleine Welt ümspannt.

Ik saih auß faß in't Mensfenhärt,
Doch Kiner, glöf ik, wät drut klauf:
Et is un bliff för alle Tid
En unbegriplik Wunnerbauß.

Doch wat ik las in't Lébensbauß,
Wat ik erläßt häf in de Welt:
En Dichter ut Westfalenland
Häff mangsen wat dervon vertellt.



Aprilwind.

We trippelt so hennig da öwer de Är
Dör Büske un feller un Wisfen ümhär,
Un rüttelt an Baum un an Hieg un an Hucht,
Boll daip an de Ärde, boll haug in de Lucht?

„Jf sin de Aprilwind, von'n Hiemel kam't den,
En Blajebalg sunnige Wärmd' in de Hänn;
De blas if den grimmigen Winter op't fell,
Damet he sit futtmäck, de laige Gefell.“

„Is täumig de Racker un gaiht nich sofats,
So slaig't wier na boben, da weet if mi Rats,
Da hal't mi den Hagel, den schait if heraf,
Un, sühsde mi hásde mi! löpt he in Draf.“

„Dann trippel un trappel if wacker, tripp trapp!
Tau wecken dat Gras un de Blaumen, flipp klapp!
Un schüttel de Strüker un rüttel de Bäum,
Jf mott ár verdriven den Slap un de Dräum.“

„Un staht mi de fulwäms sofatsens nich op,
So gait't ár kolt Water von boben op'n Kopp
Un spürter un splenter un plär se di natt,
Büs dat se dat Slapen un Dräumen häft satt.“



Stilltaufräden.

Von Abend sin't in't Kärspiel west
In't lütke Kötterhus,
Dör'n Schortsteen frop't in't warme Nest
Gans sinnig ahn' Gebrus.

De Kötterfrau satt still an't fūr,
 Är Jüngsten an de Borst.
 Dat Haimken tirpte ut de Mür:
 Nu fick! wat hät he Dorst!

Ticktack! Ticktack! o wocht män lück!
 De olle Wanduhr sung,
 Min Ticktack is en härlik Stück,
 Brengt Slap för Olt un Jung.

De Kötter liende an de Dör,
 En fraidenthränken sacht
 Laip em in't Aug, so kam mi't vör;
 Ik weet wul, wat he dacht:

„Is auf de Urbait hatt un sur,
 Dat Lāben is doch söt:
 Är Hārt is min för alle Dur,
 Un min är fromm Gemöt.“

De Mond, de Alles saihen mott,
 Keek nipen dör de Rut;
 Ik glöf, de olle Gneesepott
 Lacht' usen Kötter ut.



Dull Tüg.

Höhöh! Här Wind! wat is der los,
 Segg, büsde unwis woren?
 Marjauspepp! segg, du Bullerjan!
 Häs den Verstand verloren?

Du schrais, du jöhs, du böls jä, Wind!
 So häf'f di nörgens dropen,
 Du rängsters un klabasters jä,
 As härs „Oll Klaren“ sopen!

„Haha! Haha! Dat was en Spaß,
 Dat is wat taum vertellen,
 Dat was wat för min olle Härt,
 Dat mott'f di wacker mellen.

Denk an, if was in'n Eesen-Bust
 Un woll mi slapen leggen,
 Was hellsten mö von mine Rais,
 Kum konn'f mi no bewegen.

Män Dunnerfil! wat free'f en Schreck,
 So wat harr'f no nich saihen:
 De junge, stramme Schulten-frans
 Woll sik den Hals ümdraihen.

Jüst was he dran, de döre Pott!
 Den dicksten Aft tau finnen,
 Nu harr he em, nu woll he jüst
 Dat Kauhseel fast dran binnen.

„O Katrin! raip he, du büs't Schuld,
 Dat if so fröh mott stürwen,
 Du bröks min Härt, 'drüm mott if nu
 Elenniglik verdärwen.“

Da gifsde mi wat häsde mi!
 Gaff if mi an tau rasen,
 Met vulle Backen in den Baum
 Richt op em los tau blasen.

Un bums! da soll he as en Kloss,
 De Galgen-Ast was broken:
 Is glöf, dat is en Lährstück west,
 Dat sitt em in de Knochen."



O wunnerschöne Summernacht!

Op de Wittdörnhiege ächter usen Huse satt
 de Wind. De Rausen lusterten gans sälig op,
 äs he vertellde; un se nickten em fröndlik tau.
 Se verstönnen em gut, denn he fürte von de
 Laifde. Un af un tau gäffen se sik verstolen en
 Küßken. De dicke Tulpenmöhn, de auf tauhörte,
 stott äre Naberske an un wispelde är wat in't
 Ohr, worop dann baide bedächtig met'n Kopp
 schüttelten. De fink op'n Prumenbaum appat
 sung in Eenem tau: Stibits! Stibits! jüst äs
 wüß he auf, wu man't anfangen mott, üm en
 Mülken tau frigen. So sung de Wind:

Et was ne schöne Summernacht,
 De Nachtigallen süngen,
 Äs soll de Laif met Sangesmacht
 In alle Härten flingen.

Da stonn Een vör sin Mäkens Dör
 Met stillbedröften Härten:
 So gärn, so gärn he't segget här,
 Worüm he süßst' in Smärten.

He sollt dat jä so daip, so daip,
So lang harr he't al lieten;
En Thränken em in't Auge laip:
Et droff jä Kiner wieten.

„O du min laiwe Mäken min,
O könn ik di't doch seggen!
Min fraid, min Smärt, min Lust, min Pin,
Könn'k di't an't Härte leggen!“

Den Kopp so swar, den Kopp so^zheet —
Gott help! ik bi mi dachte:
En Mülken för din Härteleed! —
Dat Mäken weckt' ik sachte.

Dann göngen Baide Arm in Arm
Un dächen nich an Sorgen.
Wu föllten se de Laif so warm
Büs an den lechten Morgen!

Et was ne schöne Summernacht.
De Stärn an'n Hiemel glöhten,
Äs Laifdesstralen weef un sacht
Us löcht't dör alle Nöten.



De Wolken.

Wat se jaget, wat se drivet,
Wat se rennt in Sus un Brus,
Wat se slaigt, de Water-Pärde,
Dat se ilig kumt na Hus!

Sturmwind driff se met de Pitske
 An den Hiemel vör sik hen,
 Driff se na dat graute Water,
 Wo de swatten Pärde den.

Möndken frigg en hellsten Schrecken,
 Löpt so hennig äs he kann:
 Wenn de Dirs em öwerrännten,
 Wör he jä'n verlornen Mann!



Hermänneken un Mariänneken.

Hermännken was trurig. He was in de
 Früinde, un sin Härt was in Naut un harr
 graut Verlangen na de Laißte. Lange, al öwer
 en Jahr harr he sin Mäken nich mär saihen.

De Wind omwer kam met en fröndlik Süßeln
 dör't opene Fenster na em hen un brach Rausen-
 duft in sin Stöffen. He harr Mariänneken so
 äffkens in Würfelfait saihen; jüst kam he dahär.
 Un he sung:

Unner de steenolle Linde vör't Hus,
 — firamtsstille was et in't Dorp —
 Satt di dat Mäken met brünlike Locken,
 Sneemitte Hut un Vergifmeinnicht-Augen;
 Laißlik was et tau saihen.

Nich was täumig dat flitige Kind,
 Laip doch dat Rädken so hennig un gau,
 Laip doch dat sämken so flink dör de finger,
 Jüst äs frait' et sik al op den Brutschats;
 Mäken spunn auf Gedanken.

Rausenstrüken satt an är Borst,
 Raude Laifde satt är in't Härt,
 fröndli' Lachen spielte üm't Mündken,
 Söte Wörde süngen de Lippen,
 Laifdeswörd' för den Laifsten:

„Laiwe, laiwe Summerlüftken!
 Niem dü't söte Rausendüftken,
 Niem't in dine warme Hand,
 Breng't min Schats in fännen Land!“

„Segg em, dat't sin Mäken schenket,
 Dat sin Mäken an em denket,
 Summerlüftken, weef und lau,
 slaig na minen Laifsten gau!“

Wu söt wor't em tau Maut, wu lauslik tau
 Sinn, äs he de fröndlike Botschop von sin Mäken
 vernam; sin Härt juchte vör Lust un Säligkait.

O laiwe, laiwe Summerlüftken!

Män dat Lüftken was al wier fütt un he
 konn sik nich es bedanken.

Abends late omwer, äs Alles rüg un stille
 was — blaut dat de Nachtigallen süngen un
 de Glorärseskes dör de Lucht glöggerten — da
 kam, äs he in't fenster stonn un en söten Härtens-

wunſt na'n Hiemel heropſchickte, de Wind ſachte
heranneruſcht. He was wier bi Mariänneken
weſt. He kam ut den Einnenbaum, de vör
Mäſens Kamer ſtaht, un da harr he en nüdliſ
Beldken ſaihn. Dat beſchreef he nu in ſine
kindlike Art:

In dat ſtille Kämeken lagg in't ſmucke Beddeken
E' laiwe Mariänneken.

Unner't runde Köppeken met de kruſen Lööckes
E' eene witte Hänneken.

Op dat zade Börſteken dicht bi't warme Härteken
E' annre Liljenhänneken.

Um dat ſlanke Hälſeken hong en gülden Käſteken
Un en ſamnten Bänneken.

Vör de blaen Kierkes hängen twee Gardinekes
Met ſwattſiden Ränneken.

Nichter de Gardinekes ſatt met Slap un Dräu-
mekes

Lütke Här Sandmänneken.

Un en griſig Vögelfen met ſin söte Mülleken
Brach en nüdliſ Stänneken. —

We ſitt in dat Käſteken? Wovon drömt Mar-
jänneken?

Still! ſe ſagg't: Hermänneken!

Unnern Morgens fröh owwer kam de Wind
nomols un weckede ſinen frönd.

Son Morgengeſang wör alle tau wünſten,
wecke Laiſde in Härten drägt un hopt, dör en

laif Mäken glückell tau wären. Denn so en
Beldken von sin Mäken vör Augen, son Beldken
von triie Laifde, dugendsame Hüsliffait, von
flitigen un schönen Sinn, von Härtensguthait vör
Augen tau hääben, jis en mächtigen Sporn vör
Jeden, auß flitig un arbeitsam tau schaffen, dat
dat Mäken boll sin eegen wät.

Also omwer vertellde de Wind von Mari-
änneken. Ji Mäkens! niemt ju en Efsempel
dran! Lustert op!

Kum no, dat de Hahn hät fraiht,
Mäken ut de Kamer gaiht,
Äs en Rehken flink un slant,
Alls an är is blinkeblank.
Auß in Härten!

Gau un hennig se hanteert,
So hät 't Möderken är lährt,
Spricker hält se ut de Schür,
Bolle brännt en lustig für.
Auß in Härten!

Süh! wu gaiht't är von de Hänn,
Äs wenn't siß von sölfs verstönn,
Küß un Stöffen hät's al sin;
Äi, wu wuhnlif mott 't da sin!
Auß in Härten!

Wacker deckt se nu den Disk;
 Propper Diefsken, witt un friff!
 Kick! wat staiht da an den Rand?
 „Laifde giff met sinke Hand.“
 Auf von Härten!

Ilig löpt se no vör't Hus,
 Plückt den schönsten Blaumenstrus.
 Of sif wul de Ollen frait,
 Wenn's de frifsen Blaumen saiht?
 Jau, von Härten!

So! nu hät se Alles t'recht —
 Still! da hät se no wat seggt:
 „Gott, wat woll ik fraien mi,
 Wör doch auf min Schats derbi!“
 T kam von Härten.



De Kartenspielers.

„Ruten Bur!
 Da sätten de Kärles al Stunn op Stunn
 Un wören an't Spielen un Supen.
 „De staiht stur!“
 De Snider verlos, de Smidt gewunn,
 Da läggen de Gröfsen tau Hupen. —
 „Härten Uß!“
 Tau Hus, du Snider! da sitt din Wif,
 Da grinnet un hüngert de Kinner, —
 „Pfaißt der was!“

Da fraiset de Wörmkes siß stur un stif,
Du Snapsbror! du störrige Sünner! —

„Giff män, gau!“

Du omwer verspiels nu in eene Nacht
De Gröfsen, de lange versparten?“

„Wacker tau!“

Dawor't mi tau viel. — Du Supstengel wacht! —
Jß puste von'n Disß är de Karten. —

Dat schof nu de Snider den Smidt in die Schauh.
Boll hauten siß Snider un Smidtfen;
Dann kam de Polßaidiner auf no dertau
Un poß se siß gau bi't Slaffitten.“



Ne olle Geschicht.

Segg, Susewind! wat dain se di,
Wat büs du doch so lurig?
So stillkens woß an mi vörbi,
Worüm büs denn so trurig?

„Jä, Gott, et is de oll Geschicht,
Wät ümmer ni wul bliwen:
En grauten Härn, en Armlü=Wicht,
Wu könnt de't anders driwen?“

„He dangte boben op sin Sloß,
Et was sin Hochtidsdänken;
Se't Ellernhus verlaten moß,
Moß unner frümde Mensken.“



En Lährstück op't Kamsöleken.

As mi de Wind düet Dönken vertallt, satt he op'n Appelbaum in usen Garen. Bi't Vertellen omwer lachede he gans unwis. Un auf de rauden Pardisappel op den Baum, de em lusterten, schüttelten siß vör Lachen, sodat se öfters met äre dicken Köppe anenanner stöten; un ennige von är hadden siß so unvernünftig, dat se von de Äste herunner tüschen de Kabusköppe truselten, de daröwer hellsten tau schennen anföngen. De ollen verstännigen Georginen appat schüttelten bi dat Vertellsel von'n Wind met'n Kopp, äs wollen se seggen, wu't mügelik wör, dat de olle Susewind no socke Spirrewippfes maken könn. Un iß, de iß dat Dönken auf anhören moß, häf tau den Wind seggt, naigstens dröff he appat nich mär sock dumm Tüg vertellen, süs höll iß mi baide Ohren tau. Omwer he hät et nu mol vertellt, un da mott iß et denn wier vertellen:

De Dag harr längs de Augen tau
Un drömde von de Sunn;
Auf't Mündken was der nörens tau sahn,
Holl wiß no Unnerstunn.

In't Dörpfen was en wahn Gejäl,
En Bolts harr Hochtidsnacht,
Von alle Katten, jung un olt,
Mor em en Ständken bracht.

Ik sleef mi dör de Straten hen,
Et was mi slecht tau Maut,
Min Bror, de Dorwind, was der west,
Harr aisliß mi verhaut.

Äs't nu an't Bäckerhus vörbi
Dör't Dorp na buten woll,
Smeet ik ne graute Sedder üm,
De langs derdale foll.

Män denkt ju an, wat ik da sog:
En Kär! ut't Fenster hong,
De an tau släufen fürchterliß
Un an tau schraien fong.

De Bäcker omwer, sapperlaut!
De trummelde drop los,
De slog un wämste em off't fell,
Äs wör't en hölten Kloß.

„Nu lähr ik di, min Bengelken,
Wu Bäcker kniät den Deef,
Ik lähr di't op't Kamsöleken,
Wu man den Deef frigg weef!“

„Nu lähr ik di, min Engelfen,
Wu Bäcker Brödkes bäck,
Min Bullenpinn, de brengt di't bi,
Wu hier de Twiback smäck!“

„Nu smäcks du auf, min Jüngelfen,
Don Bäckers beste Körn,
Un wu man hier de Hörnkens draiht,
Ik lähr di't ächt un vörn!“

„Du weesß du auf, min Jüngelken,
Du Bäcker wahrst sin Hus;
Jf lähr et di: Met Speck, met Speck,
Met Speck fängt man de Mus!“

En ollen Kär! en blautjung Wicht,
Man segg dat döt nich gut.
Doch is, is häf barbarisk lacht,
Un dat, dat dai mi gut.



Nicks in Natur, nicks in de Welt,
Dat nich sin Arbeit tau is deilt!

Wenn du villicht mains, min leiwe Lands-
mann, de Wind wör en nicksnuttigen Täumig-
gänger, en Brauder Lichtfink, de nicks bätters tau
doen härr, äs Flitsen tau fangen, tau weeren un
tau spektakeln, tau bullern un tau ballern, för
sin Plaseer tau singen un tau frijölen; wenn du
dat mains, dann büs du appat op de Bisterbahn.

Jf segg di't, de Wind hät jüst so gut sine
Arbeit un sine Plag, äs du un is un alle Mensken,
äs Sunn un Man und Alles, wat Läben hät un
läben will in de Welt. De Wind is in den
Husholt von de Natur anstellt und hät da en
jüst so wichtigen Posten, äs de Baumeister op'n
westfäl'sken Schulthof. Wat hät he nich Alles
tau besorgen in un buten von use Ärde är
schön Hus!

We is et denn anners äs de Wind, de us de Eucht rain höllt un all de flecten Dünst ut är herut fägt? We is et, de us de warmen Lüfftes brengt un den Winter verdriff? We is et, de af un tau ut finen Blasebalg lüch Kolts, dat he ut föllere Giegenden metbracht hät, in de heete Eucht blögg, damet et de armen Kreaturen uthollen könnt? Is't nich de Wind?

Un dann! We draiht us de Windmül, dat wi Mäl frigt? We stellt de Windsahn op use Dack taurecht, dat wie na't Wädde utsaihn könnt? We driff de Schiepe öwer't Water? Döt nich alles dat de Wind?

Un wees du nich, we för de Laiflingskinner von de Natur, för de bunten Blaumen sorgt? De Wind is et, de de Blaihten von't Blaumenmännken na't Blaumenwiffen drägg. De laiwe Naturfrönd is et, de Blädder un Blaumen un Gräjer un Saten tausamen döt un, natürlif gans ut Versaihen! se mangsen met de Köppfes an enanner stött, damet se sif wacker en Mülken giwen könnt. De Wind is et, de friegle, ümmer friske Olle, de in de rüge, daudenstille Natur twick Läben brengt, wenn he met finen Singsang dör de Bäume waiht, of sinnig dör de feller gaiht.

Nu! ik denck, da draff sif de Wind auk wules mangsen, wenn he jüst nicks bätters tau doen hät, en Späckfen maken, äs he taum Effempel döt, wenn he de Kinner den papirnen Windvogel na'n Hiemel heropdriff, de en Breef von är na

Sünste Klas brengen sall, damet he weet, wat he är naigsten Winter metbringen sall. Jf denf, da draff he us auf wul dann un wann en Dönken vertellen von dat, wat he erläßt hät, odder en Leedfen singen, äs dat de Mensken un besunners de Dichterslün na Dagesarbeit jä auf gärne daut. Nih wahr?

Dat kanns mi omwer glöwen, min laiwe Landsmann! wenn de Wind bi de Urbait is, dann mäckt he fine Fijfematenten, dann vertellt he auf fine Stücksfes, dann nim't he't hellfken genau met dat, wat he vörhät; denn süs freeg he't met frau Sunne tau doen; un de spaßt nich, drop kanns di verlaten!

Davon hät mi de Wind es mol an en heeten Julinamiddag wat tau verstahn giewen. Da harr em nämlik frau Sunne utschickt, Dat he von't Meer un ut Bieken un Kolfen de Ragenwolken heranhalen söll, wil se ennige Dage lang tau wahne inbott harr, sodat de Urde met Alles, wat drop läßt, hellfken Dorst liden moß. Un äs if minen ollen frönd da sagg, he söll bi mi bliwen un sit met mi unnerhollen, da woll he nicks dervon wieten; denn he harr wat Wichtigers tau verrichten.

Hir kanns't läsen wat if em sagg, un wu he mi Antwort gaff.

Wat löpsde, wat susde,
 Wat rennsde, wat brusde
 So gau un geswind?

If bitt di, so blif doch,
 De Langwil verdrif doch,
 Vertell wat, Här Wind!

„If kann nu nich bliwen,
 De Tid tau verdriwen,
 Mott wit in de Welt.
 Na't Meer mott if laupen,
 De Wolfen tau raupen,
 Frau Sunn hät't bestellt.

Et süffet allwägen
 Na Rügen, na Rügen
 Al lange de Är.
 Et dörstet de feller,
 De Wisken un Wäller
 Na Water so sähr.

De Bladder un Bläuhten
 Vergahet in Näuten,
 Se fallt al heraf.
 De Raufen un Nelfen
 Möt bolle verwelfen
 Un sinfen in't Graf.

Kin Vügelken singet,
 Kin Dirken mär springet
 No lustig ümhär;
 Süh! Alles ligg trurig,
 Eigg täumig un lurig,
 Eigg still op de Är.

Drüm mott ik nu laupen,
De Wolken tau raupen:
„Ji Wolken! kumt gau,
Ji grisen, ji swatten,
Ji kollen, ji natten,
Brenge hiemlisken Dau!

Du fruse Gewimmel!
flaig wacker na'n Hiemel!
frau Sunn hät ju socht.
Se is da an't stocken,
Den Rügen tau koken,
Al lang' hät se wocht.“

Von't Meer dann de Wolken,
Ut Bieken un Koken —
Dat giff di ne Jagd!
Voll drübbelt de Rügen,
Voll ruschet de Sägen —
frau Sünneken lacht.“



Maiensang.

So hang was sin Sang un doch so söt; so
firlif was sin Klang un doch so mild; so mächtig
Klung dat Leed un doch so weef un so sacht;
äs he met den jungen Maienmorgen dahärruschte!
Un de Blaumen wören wach un küßten sit. Un

de Dügel lusterten un snäbelten enanner. Un dör Alles, wat läfde, drung en söt Geföhl. Dat Leed omwer, dat de Wind sung, klung äs en Därs ut dat hauge Leed.



Sängers Daut.

De Landschop lagg da in de schönste Summerpracht, vertellde de Wind. Da steeg en Lewerink in de Lucht herop. Sin Leed klung vull un stark. Ümmer högger flog de Hiemelsfänger, ümmer luter klung sin Sang; dat Hört was em so vull. Was't de Pracht von de schöne Welt, de he besung? Odder trock't em so mächtig na'n Hiemel? Ümmer wider flog he von de Ärde wäg, ümmer näger kam he de Sunn. Un sin Leed swoll ümmer mächtiger an, un sine Stimm wor ümmer firliker.

Da no eemol drung en kräftigen Triller ut de klaine Sangesborst, no eemol flog he gewolt-sam met de Flitken! — Dann sünken de Flitken, dat Köppken foll op de Borst; — dat Hört was em sprungen.

Ik omwer drog sachte den dauden Sängern na de Ärde taurügg un lagg em tüsken de haugen Saten unner blae Kornblaumen un raude Klapp-rausen in't Graf.



Stille Laifde.

En Härte, dat von Laifde glöht,
 Ahn dat et Laifde föhlen döt,
 Versinkt in stille Grawestrauch,
 Äs't Bläumken ahne Hiemelsdau.

Ik stonn an nen düstren Wolddik. Et was Nacht. Alles üm mi herüm was still un rüg. De swatte Dik lagg da ahne Bewegung. En sülwern Stral von de Man an'n Hiemel gleet tüßken de Böme dör op dat stille Water heraf un wees mi ne bleefe Waterlilje. Blot eenen Augenblick sog ik de witte Blaume op dat swatte Water; dann sog ik se nich mär. Un mi was't, äs wör se versunken, versunken in dat stille, natte Graf.

De Wind owwer ruschte dör de Böme un vertallt: Ik kum von en bleef Mäken; de drägg stille Laifde in Härten. Owwer he, den se laif hät, kann dat nich metföhlen; denn in sin Härt wuhnt eene annere. Dat weet dat Mäken un drüm is se so bleef. Drüm stonn se auf no so lat in de Nacht alleen an't Fenster un sung düt trurige Leed:

Stille, stille Wäter
 Häbbet daipen Grund;
 Wat tau daip in Härten,
 Segg fin Menskenmund.

Daipe, daip da unnen
 Is et rüg un still:
 Härt! so sin taufräden,
 Wenn't de Hiemel will!



Härgottspärdken.

Dat was en nett Späßken, vertellde de Wind vergnügt. Satt da dat blunde Mäken jüst äs't Pingstebläumken in't Gras. Un wat dai dat nüdlife Kind? En Härgottspärdken harr et funnen, dat satt et sit op de Hand. Dat klaine Hiemelsdirken soll är seggen, wannähr de Schats na är käm un an är friggede. Weeste! so maßt et de jungen Wichter gärne, wenn se wieten willt, wu lang' et no duren wät, büs dat't Hochtide giff. Dann sett't se sit dat unschüllige Dirken op de Hand un fangt an tau tellen: Een — twee — natürlif hellstken langsam; denn soviel Jahr möt se no „Jüfferken ahne Mann“ bliwen, äs se tellt, büs dat Härgottspärdken opflügg.

Un if, de Wind, wat häf if derbi tau doen?

Ali nu! worüm söll ich de Wichterkes nich dat Plaseer maken un giewen dat Dirken en lüttken Schubb dat et nich tau lange sitten bliff?

Düt Mol — dat Mäken was owwer auf
würfelf tau nüdlif — häf if se gar nich es taum
Tellen kumen laten. Hör män, wat se sung, de
söte Eenfolt!

Härgottspärdken kam na mi,
Satt jif op min Hand:
Nu is't Wochten boll vörbi,
Hochtid giff't in't Land!

Ähr äs if no fragen konn:
Wann is't Wochten ut?
flog dat Dirken al dervon:
Juh! nu wär if Brut!



Mauder-sälig-alleen.

Mauder-sälig-alleen! Dat arme Mäken! finen
Mensken harr et mär op de Welt. Mauder-
sälig-alleen satt et in dat Stöfken von är Ellern-
hus, dat se nu bolle verlaten soll, verlaten för
ümmer. De Vader was al lange daut. Un de
Mauder was Jahren lang krank west; gistern
was se begraben. Un van Dage was Alles, wat
no von de Ellern bliwen was, verkofft, auf dat
flaine Hüsken, wo dat Mäken tau Welt kam un
dat se nu bolle verlaten soll, üm unner frümde
Mensken tau gahn.

Dat arme Mäken satt op ne olle höltene Kist, de met en paar Armsälighaiten är eegen bliwen was. Grinen konn se nich; de Thränen alle, de äre Augen hadden, wören al floten. Öwwer in är Härte was de daipste Trur un da stonn dü't thränenware Leed, dat de Wind op sine Flittken na mi henbracht hät:

Ik häf kin Vader un kin Mauder,
Kin Süster mär un auf kin Brauder,
Un he, de mi so laif hat hät,
Min Läbedag nich wier kum'n wät.

O Pin, o Naut! alleen tau stahen,
Alleene dör de Welt tau gahen,
Un wieten, dat kin Menskenhört
Kann met us föhlen Leed un Smärt.

Twée Höltnes will ik säuken gahen,
Als Krütsken se tausamen slaen;
Dann will ik bäden: Gott min Här,
Erbarm di, legg mi in de Är!



Windstille.

Et was ne folle klare Winternacht. Kin Wölksken trock öwer den blaen Hiemel. De Mond was nich op sine stille Macht. De Stärne

owwer met äre flammenhärten glöhten in fürige Pracht. Et was gravesrüg in de Natur; fin Lüftken gong dör de stille Landschop.

Da foll en Stärn ut de Höchte heraf. Kort was dat Löchten dör de düst're Nacht, fort äs de Lust in use Läben.

It dach an den fall von de Unschuld.



Grout was de Naut.

Mäken, wof du gut gefallen,
 Eat di fin un suber finnen,
 Owwer dabi denf vör Allen:
 Buterichin fällt nich na binnen.

Au, Wind! wat is der denn met di? Du schins jä hellsten Spaß tau hābben? frogg if em eenes guden Dages, äs he üm mi herümsnüffelde un met mine Hare, minen Haut, minen Halsdauf, met mine Rocksfläpsen un wat he süs no von mi tau packen frigen konn, allerhand Spasserien dreef. Wind! wat för dumm Tüg hāsde maft, wo hūsde west?

„Spaß hāf if hat“

lachede he.

Un wo denn? frogg if.

„Ai, in de Stadt“

antworde he.

Un womet denn? frogg if wider.

„Au! met en Wichtken“

wisperde he.

Was se schön?

„Nüdlif Gesichtfen!“

gnüggelde he.

Was se fin?

„Hüsfen von buten,
Blitsblanke Ruten!“

raspelde he dahär, äs wenn he't utwennig lährt
häär.

Wat woß damet seggen? frogg if.

„Buten nich binnen!“

hollerde he.

Owwer wufo denn? frogg if nomols.

„Glifs faß du't finnen“

brummde he, äs woll he seggen: Dummerjan!
wat bruks mi so fafen tau unnerbräfen?

Na dann spiel op!

„Wichter, paßt op!“

„Li, wu adrett,

Propper un nett!

Wu so maneerlif,

So reputeerlif!

Jüst äs en Kwidstärt

Gaiht är de Wippstärt!

Kift es dat Säutfen,

Kift es dat Häutfen!

Wu se niffköppet,

Nüdlif wippöppet,

fin äs en Beld!“

Sagg alle Welt. —

Män, Sapperlaut!
 Wor't är benaut!
 Äs if tau fusen
 Anfong tau brusen
 Kift an är Kütten,
 Äs en Beschütten,
 Unner dat Röckfen
 Strump hät en Löckfen!
 Kift es dat Wichtfen,
 Kift är Gesichtfen,
 Wat wät se raut —
 Graut was de Naut!



Schön Lisbet.

Wind, segg if tau minen ollen frönd, segg
 mi, wu gaiht et Lisbet, dat schöne Mäken ut
 use Dorp, womet if tausamen in de Schaul
 gahn sin? Segg mi, wat mäck dat nette Nabers-
 kind, womet if tausamen spielt häf, äs if no
 klain was. Nu is se sieker al graut worn un
 hät auf sieker al en Brüdigam. Segg mi't, Wind!

He owwer sung:

Schön Lisbet sitt an't Rädken un spinnt,
 So hät se al Jahre lang säten;
 Schön Lisbet spinnt an'n Brutschats un sinnt,
 Se kann ären Schats nich vergäten.

Ûr Schats gong wäg, gong wäg in de Stadt,
 Moß dainen da bi de Soldaten.

„Wenn drai Jahr üm, kum trügg if appat,
 Dann wär if di nümmer verlaten“!

„„Drai Jahr sind üm, säß Jahre vörbi,
 Wat blifs du, min Schats! doch so färne?
 De Hauptmann lät em siefer nich fri,
 De mögg em behollen so gärne.““

„„O käms doch boll! de Koffer is vull,
 Da blenkert dat sneewitte Einnen.
 O Härt! sin still, o flopp nich so dull!
 De Laifste wät trü di jä finnen.““ —

Schön Eisbet! dat du büs bliewen so trü,
 De Härgott daför di säge!
 Din Schats kümt nümmer wier trügge na di,
 He wandelt op räuflose Wäge.



Müljans.

If satt op'n fahlen Knapp. So nömden de
 Lüde den klainen Windmülenbärg nich wit von
 är Dorp. Ennige säggen, de kahle Knapp wör
 en Steen, womet ensmols en Rife de Mensken
 härr daut smiten wollt. Annere owwer mainten,
 et wör en Häupfen Sand, dat sif de ewige Jude
 op sine Wannerschop hir ut'n Schauh floppt härr.

De Mehrsten owwer glöwwen daran, dat de Windmül op'n fahlen Knapp ne olle Kaffemül von en Hünen wör, de tau Härmens Tiden hir in de Giegend sin Sloß hat härr, wenn auf Ennige na den Schaulmester sine Ansicht maintain, de Windmül wör en risig grauten Alder ut Noah's Tiden, de tau Strafe dafür, dat he fröher ut de Arche flogen was, äs de Sündflaut gans vörbi was, op den Bärgetipp, wo he sif hensett't härr, in en höltenen Vogel verwandelt wör, de sinner de Tid jure Urbait för de Mensken don möß.

Et was an en schönen Summerabend, äs if da mö von en düchtigen Mars unnern Einnenbaum Rast holl un in de stille Abendlandschop sog. De Sunn härr sif den Dag öwer düchtig plagt. Nu was se mö. No eemol keef se vernögt op är Dagwärf taurügg; dann gong se hennig achter'n Busk, üm sif slapen tau leggen. De Müggen owwer dansten no lustig in de Lucht herüm un süngen von den schönen morgigen Dag.

Un de Wind waihete sinnig öwer de haugen, gälen Saten un de blaen Kornblauen un derauden Klapprausen. De haugen Saten met äre gälen slagharföppe un de blaen Kornblauen met äre trüen Augen un de Klapprausen met äre frischen, rauden Backen lachten em an un nickten em fröndliß tau, dat he so sacht met är ümgöng. Män lange woll de Wind nich von är wieten. Husk! slog he op na den lütten Windmülenbärg.

hust! flog he an mi vörbi, satt si in de Slitfen
von de Windmül un draihte dat Mülrad.

Ut de Windmül owwer trat de junge Müllers-
mann. He gong met en Krückstoc. Mi dai
dat Härt weh, äs i sin Gesicht sog. Stille Trur
satt op de hauge Stärn un daip Härtleed keef
ut de grauten blaen Augen. Trurte he üm dat
verlorne Been, of was et no mär, wat he ver-
loren harr, dat he so bedröft un wehmödig in de
Welt keef? Still! hört män dat Leed an, dat de
Müljans met sine daipe Stimme sung. Dann wärt
ji de Trur op sin Gesicht un de Bedröfthait in
sine Augen verstahen.

Ut de haugen gälen Säten
Kifet mi twee Blaumen an,
Kift mi an, dat i nich länger
Mine Thränen hollen kann.

Eene fickt so laif un härtliß,
Ut dat blae Aug so trü;
Jüst so keeken äre Augen,
Owwer dat is längs vörbi.

Un de raude lacht so lustig,
Dat Gesicht so friff un fri;
Jüst so lachet äre Lippen,
Owwer längs nich mär för mi.

Blae Augen! Raude Lippen!
 O wat schöwen ji mi Naut!
 Blaumen sinket met de Saten,
 Un min Härteusglück is daut. —

De Wind owwer slog wild in de Fliffen von de
 Windmül un dreef met sin Rasen den Müller in
 de Mühle taurügg. Dann sung he met röchterige
 Stimme.

Den rauden, rauden Kragen!
 Den blaen, blaen Rock!
 Et was en strammen Jungen,
 Äs he no frankrif trock.

De Wichter op de Straten,
 De bleewen alle stahn;
 De Schönste, sine Toni,
 Dör Härtpin woll vergahn.

He dangte jä so wacker,
 He harr so flinke Been,
 Dat Härt ut Toni's Augen,
 Em lachte't gans alleen.

Den rauden, rauden Kragen!
 Den blaen, blaen Rock!
 He was jä no fin Krüppel,
 Äs he na frankrif trock!

De Rock met rauden Kragen!
 Nu hängt he an de Wand;
 Nu mott de Müljans humpeln,
 Den Krückstock in de Hand. —

De olle Windmül owwer, de dastunn äs en
 Dugel, de wul na'n Hiemel slaigen mögg, owwer
 nich kann, wil em de Ärde tau fast höllt, sung
 en anner Leed. Un de Wind spiede den Kunter-
 bag dertau. So lutt dat Leed:

Sum, sum, Susewind!
 Gutfrönd wi twee Baiden find.
 Suse, bruse, blas män tau,
 Brustopp! draih dat Mülrad gau!
 Mahle, mahle grof un fin,
 Stillen möt wi Hungers Pin.

Sum, sum, Susewind!
 Hüte lacht, we morgen grint.
 Menskenhört bliff auf nich stahn,
 Mott den Tact taum Läben slan,
 Klingt dat Leed von Lust of Pin,
 Ämmer tau! et mott so fin.

Sum, sum, Susewind!
 Si nich stolt, o Menskenkind!
 Wenn de Kopp Gedanken denkt,
 Doch dat Hört de Daten lenkt;
 Un dat Schicksal is nich wit,
 Denkt un lenkt vör alle Tid.

Sum, sum, Susewind!
 Dat so dör de Mensken find!
 Mügt se bannen für un Blits,
 Wind! di fängt fin Menskenwits:
 Äs dat Schicksal dör de Welt,
 Küms un gaihs, äs di't geföllt.



Lebensmó.

Dörnen staht an jeden Wäg,
 Den de Mensk dör't Läben gaiht,
 Owwer alle Wunden heelt,
 Wo de Laifdesbläume blaiht.

Op ne Höchte buten Dorp stonn lat in de
 Nacht en Mann, de in dat stille Dal herunnerkeef:

De Mann was no jung un doch al mö von
 sine Lebenswannerschop: Een Eiden was sin Läben
 west, een Strit met dat unerbittelke Unglück. Wul
 hadden Härtenspin un Seelennaut sinen Sinn
 flärt un rainigt un op dat Höggere un Bättere
 richt't. Owwer he süffte unner dat sware Krüts,
 dat von sine erste Jugend an op sine Schullern
 lag, un he verlangte nah Rauh un Fräden.

Äs he sin Heemauddorp, wo he läft un lieden
 harr, so stilltaufräden da liggen sog, steeg de Er-
 innerung an sine trurige Vergangenhait mächtig
 in em op, un sin Mund sung:

Äs en Kindken in de Waige
 Eigg min Dörpfen still in'n Dal,
 Äs en fröndliß Mauderauge
 Süht de laiwe Man hendal.

Beldken du von Ruh un Fräden,
 Beldken du so weef un mild!
 Saieh't di an, so packt de Smärten
 In min Härte rugg und wild:

Dörnen, Dörnen, nick's äs Dörnen
 Eigt op minen Lääbenswäg,
 Nörgens winkt en Ruheplätzken,
 Dat'kmi „Kum, hir ruh di!“ sägg.

Dörpfen du in stillen Fräden,
 Läägg't doch auf so rüg äs du!
 Mögg dann wol de Augen sluten,
 Sluten tau de leste Ruh!

Ut'n Dorp omwer von den ollen Kärftorn
 herunner, den vielhunnertjähriken Tügen von
 Ärdenlust un Ärdenpin, von Wården, Låben un
 Vergahen, sung ne daipe Månnerstimm en anner
 firliß Leed. Dat lutt, äs hårr et Gott fõlwer
 tau Antwort fõr den klainmåudigen, låbensmõen
 Wannersmann da unnen den Sånger in den
 Mund leggt.

De Wind spieldede datan dat graute Weltorgel.

Hir hoben von den Kärftorn
 Saih iche wit in't Land,
 Saih öwer Höcht un Depten,
 Büs an den Hiemelsrand.

Ik sai h wul in de Wide,
 Ik sai h wul in de Nögd,
 Ik sai h dat Grant un Klaine,
 Dat siß da unnen rögt.

Ik sai h de Tiden wesseln,
 Se ännert blaut är Kleet,
 Se singt von Pin un fraiden
 All Dag datjölwe Leed.

Ik sai h de Mensschen Sorgen
 Um Rikdum, Ähr un Braud,
 De Jagd na Glück un Sägen;
 Den fräden brengt de Daud.

So manjer mögg wul flaigen
 Na'n Hiemel in de Höcht,
 Doch hät he fine Glitken
 Un find't nich, wat he söcht.

Un kanns du denn nich flaigen,
 Moß bliwen du op Ärn,
 So grip nich in de Wide,
 So grip nich na de Stärn!

Säuf in din eegen Härte,
 Wat fine Welt di giff,
 find' in din eegen Seele,
 Wat ümmer, ewig bliff!

Dann sühs met Laifdesaugen
De graut' un klaine Welt,
Dann sühs auf klar verstännig,
Dat alles recht bestell. —

Mi wät üm't Höft so lechte,
Mit wät dat Hört so wit:
Jk hör dat Weltrad brusen,
Dat draiht de ewige Tid.



Twée Rinnerdönkes.

Wind! sagg ik eenes Namiddags tau minen Kameraden, äs ik mi von de Arbeit lüch utreste un he öwer mi in ne fruse Koppwiede satt un met de Wiedenfättkes vergnöglik spiede; Wind! du häs mi nu al so viel Trurigs von Pin un Hörtleed vertell, für doch nu auf es wat recht Lustigs. Weeste! nich so in't Dulle un Wäl-mäudige herin, äs von Schulden frans, de sif ophangen woll, odder de nächtlike Prügeleri von den ollen Bäcker, ne, so recht laislif un kindlif, dat ik mine fraide dran hebben kann.

Em! dat könn jä wul geschaihen, gaff he tau Antwort un smeet mi en paar Wiedenfättkes von den Baum herunner in't Gesicht. Paß es net op, dann will ik en lustig Dönken von en Jüngesken vertellen, dat ik mol ut ne graute

Verlâgenhait holpen hâf. Villicht wees mi't tau
Danf un seggs mi, we't Jüngesken west is. Pas
nett op!

Ächter de Hieg en Jüngesken satt,
Dat harr de Bücks terrieten,
Drüm green't: „O Gott! nu giff't wier wat,
Wenn't Vader frigg tau wieten.“

„O Sünt Antonjus, hillge Mann!
Stopp doch wier tau dat Lööfsken,
Dat'k auk min Middag äten kann,
Un Var nich brüek dat Stöcksken!“

Dat arme Jüngesken bät't' un green;
Sünt Tüns'! läts di nich bitten?
He holl de Klüngeln fak bineen,
Män't Lööfsken bleef doch sitten.

Da hâf'k sin Vader, de em soch,
Den Haut von'n Kopp afrieten
Un in de Hieg — holp't Bäden doch? —
Wo't Jüngesken satt, em smieten.

„O Sünt Antonjus! hillge Mann!
Stopp doch wier tau dat Lööfsken!“
Den Vader kam dat Lachen an;
Wat mains? Haf't wat met't Stöcksken?

Ne! jau! min laiwe Wind! antworde ik,
dat weet ik jä no so gut, äs wenn't von Dage
passeert wör. Da sall omwer min laiwe Vader
wul lachen, wenn he dat tau läsen frigg. Jau!

da segg'ſt di vielmols Dank; denn ſoche Striepel-
röwen von Vaders Stöckſken ſmöken nich be-
ſonnern, un iſt häſ ſe jä doch ſakennaug kriegen.
Owwer nu moß mi auf no en Stückſken ut de
Kindhait von mine laime Mariann vertellen.
Dann ſall ſe di auf morgen en Blaumenſtrüſken
vör't Fenſter ſetten, wenn du an uſen Huſe
vörbiſtims.

Auf dat kann geſchaih'n, raip de olle Schelm
un ſchüttelde ſiſ vör Lachen, dat en paar hunnert
Wiedenſtückes gans verſchrocken von den Baum
herunner in't Gras föllen. Luſter män!

Satt mol es dat klain Mariännken
An de Wand vör'n Muſelock,
Harr nen Tan in't Puddelhändken,
Den ſe ſölwer fortens trock.

„Kum doch, kum doch, lütke Mūsken!
Hal di doch den ollen Tan,
Kum doch ut din düſter Hūsken,
Sett mi gau en nigger an!“

Taih'n Mol harr ſe't nu al ſegget,
Män kin Mūsken kumen wull.
Da häſ iſt in't Wärf mi legget:
Blafen dai'ſt, äs wör iſt dull.

Deernken kreeg en wahren Schrecken,
Tänken foll in't Muſehus.
Wat konn ſe de Hand trüggtrecken,
Dat är jau nich beet de Mūs!

Un in't Mündken sollt Marjännken:
 „Jau, da kümt et al herut!
 Mauder! kich! ik frig en Tänken,
 Müsken brach et“ raip se lut.



De stille Hottemann.

„Nich, Mauder! laiwe Mauder!
 Du kümt he boll heran
 Op sinen witten Schümmel
 De stille Hottemann.“

„He sett't mi op den Schümmel,
 De mi na'n Hiemel drägg,
 Na boben in den Hiemel
 Den schönen, lechten Wäg.“

„De schöne, witte Strate
 Met duzend gülden Stärn —
 O, Mauder, moß nich grinen,
 Ik ri met em so gärn.“

„Laif Süsterken un Vader,
 Wu Baide siß wul frait,
 Wenn se op witten Schümmel
 Mi annekumen saiht!“

„O, Mauder! moß nich grinen!
 Ik was jä fromm un gut.
 Still! häft da nich de Klocken,
 De Hiemelsklocken lutt?“

„Still, Mauder! moß nich grinen!
Schutsengel is bi mi,
De wät mi nich verlaten,
Schutsengel staiht mi bi.“

„Still! Hottemann kümt trügge,
Du blifs jä nich alleen,
Boll küms auf du na'n Hiemel,
Dann sind wi All bineen.“

„Still! Mauder!“ — Still is't woren.
De Mauder sitt un grint.
Un met bedröfte Süfser
Waiht üm dat Hus de Wind.



De gude Dat.

De Thränen, de dat Metleed grint,
Sind lechte Perlen ahn Vergang,
De Daten, de de Laifde döt,
En Ruhefüßen läbenlang.

Ik sog, vertallt de Wind met firlike Stimm,
ne gude Menskendat. Kin Mensß hät se saihen,
owwer ik sog se.

Et wören män en paar Gröffen, de de flaine
Jung gaff. Owwer et was dat erste Geld, dat
sin eegen was; de Patöhm harr et em tau de
Kärmiß schenkt. Un dat Jüngsten gaff doch dat
Geld wäg, gaff et ut Metleed. Ne arme Widde-

frau, de met äre Kinnerkes Hunger leet, hät he dat Geld in't opene Fenster leggt. Un dann is he hennig wäglaupt, damet se em nich tau saihn freeg.

De gude Dat kam ut en unschüllig Kinnerhört. De Schutzengel hät de Botschop davon na'n Hiemel bracht. Da stah't se in't graute Bauk.



Dat Gewitter.

All min Läben lang sin ik en grauten Frönd von en Gewitter west. Denn davon assaihn, dat de Natur mangsen nich anners äs dör so eene utergewöhnlike Gewolddat von äre laigen, findlike Dünste rainigt werden kann, jüst äs auf de Härgott af un tau mol en utergewöhnlichen Gewoltmensken graut wärden lät, üm de Menschheit von äre schlechten, verdorbenen Säfte un äre franken of afftorwenen Glieder tau befrien, kann ik mi auf kum wat Grötters un trots all sine gruseliken Grüggelikaiten Schöners in de Natur denken, äs so en hiemlisck Dunnerwär.

Wat is dat för en härlik Augenspiel!

Al lange is de Düwel dran, de grisen, müfigen Höllendünst tiegen den Hiemel opstigen tau laten un de Hiemelsucht tau verpesten, üm den Härgott tau tärgern. Ümmer dichter törnt he de Wolken op; ümmer grijer, ümmer düstrer, ümmer swätter wät de Lucht. Boll saiht wi nicks mär von dat fröndlike blae Hiemelsauge.

De Mensken op Ären wärt bang, et drückt är swar op den Kopp, un mangereen pächt de Angst an't Härt.

Owwer de Härgott boben lät nich met sif spassen. He is al dran, Pulwer tau maßen, womet de Dunnerbüffen lad't wärden söllt. De Engelles owwer, de sif wat von dat Pulwer stibitst häft, stäket af un tau al mol son Häupfen an, dat et män so pufft un passf un knittert un knattert. Män de Apostel, de willt den Düwel bewisen, dat se fin Spirken Angst vör em häft. Hör män! se sind lustig an't kiegeln un so äffes smeet Eener Alle Niegen.

Nu owwer is den Härgott sine Geduld tau Enn. Bums! da fällt de erste Schuß. Wu dat blist! Düwel! wu smäck dat? Hör es, wat he hült! Bums! de twerre Schuß. Wat dat grummelt! Bums! bums! bums! Schuß op Schuß! De Apostel helpt nu auf den Härgott. Un boll fangt alle Dunnerbüffen op eemol an tau knallen, tau bumsen, tau ballern un tau bollern. Dunnerbessen! Düwel, wu smäck di dat? Hör es, wat he löpt, dat he futtkümt. Owwer de Härgott ächter em här, de sall em dat Stänfern verdriven. Bums, bums, räcketaäcketaäck! treckt he em wier en paar dröwer. Män schade! dat de Düwel son dick fell hät. Räcketaäcketaäck! Räcketaäcketaäck! Dä! nu kumt auf no de Hiemelswiwer heran un gaitet Emmer op Emmer vull kolt Water ächter den Düwel här, dat et män so güt

un so plärt. Düwel! wu smäck dat! Godori! he is futt. Datt konn he nich verdrägen; kolt Water? dat was doch tau viel för em! He is futt.

De Engelfes schait't no met dat Pulwer, wat öwrig bliewen is, ut de Kattenköpp, üm äre fraide tau wisen, dat de Härgott den Satan mol es wier Mores lährt hät. De Lucht owwer is wier rain, un boll süht dat Hiemelsauge wier klar un fröndlik op us dal. Us Menstken wät et fri in'n Kopp un licht üm't Härt, un wi danft usen Härgott, dat he us gnädig verschont hät.

De Wind? Nu! mehrstens is he auf mächtig tau Gang bi't Gewitter. De Härgott moß em jä de Lucht wier rain, wat he alleen nich mär trächt frigen konn. Drüm hät he auf hellstken fraide an Grummeln un Blitsen un hült ächter den Düwel här, dat'm, wenn'm nich wüß, dat he't is, graute Angst frigen könn. Owwer wenn't Unwär vörbi is, dann is he mehrstens wier recht fröndlik un milde; un dann häwwi em gärne.

Gemol na en Gewitter hät he me en lustig Stückken vertellt, dat em derbi passeert was. Dat wick ju nu wier vertellen.

De Wind:

Wat et suset, wat et bruset,
 Wat et rast, dat Dunnerwär!
 Wat et knittert, wat et knattert!
 T' bieft vör Schreck de ganse Är.

Beßmor sitt in't Ächterstöffen
Met de graute Handpostill;
Dör de hillge Lechtmisßfärge
Knait de Kinner müßkenstill.

Dör un Fenster sünd versloten,
Düwel kann dann nich herin,
Den de Härgott wier verwämset
för sin Nück un laigen Sinn.

Wut dat blitsset! „Kinner, sägnt ju!
Härgott sla den Düwel daut!“
Wu dat grummelt! „Kinner, bät't ju!
Gott, errett us ut de Naut!“

Ümmer duller wät dat Unwär,
Ümmer düstrer wät de Dag,
Un de Angst wät ümmer grötter,
Da op eemol, hör! en Slag —

Räcketäck! „O Jesmarjausep!
Kinner, rett't zu, laupet gau,
Dat de Düwel ju nich päcket,
Wacker maßt de Dör wier tau!“

Un se laupet un se rennet
Ilig ut de Stow herut.
Beßmor! Beßmor! slut de Ruten!
Krischt in Angst de Kinner lut.

Wu se riddert, wu se biewert,
 Dat de Fenster los gahn find!
 Maint, nu kām auf fats de Düwel —
 Omwer't was män blaut de Wind.



De Härffst.

De Härffst, de wilde Jäger is da!
 Wuhu! Jickjack! he rasel dör't Land,
 He brust met de ruggesten Stürme dahär,
 Den grüliken Jäger kin Läben hält Stand.

Wuhu! de Bäume biewert vör Schreck,
 De Blädder verwelket un fallet heraf.
 De Gräser un Blaumen schüttelt de Angst,
 De bleeken vergahet un sinket in't Graf.

Wuhu! en Grusel de Vügelkes päck,
 Se slaiget so gau, se slaiget so wit,
 De Hühchte un Hiegen un Büske sind stupp,
 Kin Sang un kin Leedken mär wit un sit.

Wuhu! Jickjack! de gruslike Jagd!
 De bunten Kaihkes rennt ilig tau Stall;
 Kin lustig Föllen springt buten herüm,
 Kin wälige Hengst öwer Tun oder Wall.

Wuhu! de Bieken un Flütte staht still,
 Tau Is in Bärge un Däler verfeert,
 De Erde wät bleef, de Hiemel wät gris,
 Un Daudesangst allwägen regeert.



Graf Eckbärt.

Nich wit von mine Heemand is en Böckenbusch, de ut lutter Rautböcken bestaiht. De Lude ut de Umgiegend nömt den Busch den Hullenwold, wil da in olle Tiden frau Hulle wuhnt hebben sall. De Rautböcken, segt se, wören eegentliß Blautböcken un stamnten alle von den eenen Baum af, worunner de erste Kindsmörderin är Kindken ümbracht härr. Ennige owwer segt, de Wold wör de Düwelsbusch, wil de swatte Düwelsbieß dör em flött. De Biefe owwer hät an eene Stie nen grauten daipen Kolf; de is piekswatt, un da unnen, segg man, hät de Düwel sin Rif, da is dat Höllenlock. Da wuhnt de Düwel met de Waterwiffes. De Waterwiffes sind hoben Mensken met wunner schöne Gesichter, unnen appat aislike Dirs. Wenn nu en Mensch an den Kolf vörbikümt, dann singt de Waterwiewer met söte Stimm; un wenn he nich fatsens wäglöpt, dann is et üm em geschaihen. All mangereen hät dran glöwen moßt. Drüm gaht auf de Lude ut de Umgiegend nich gärn an den Kolf.

Is owwer sin mol an den Kolf west. Et was gruselik schön. De Kolf seef mi an as en unergründliß swatt Auge, so vull un so daip, so stur un so rüg; un mangsen, wenn de Sunn eenen von äre Stralen tüßken de Böme dör in dat Water fallen lait, was dat en Blitsen, en Löchten, en

funkeln in dat swatte Woldauge! So süht man dat auk wul bi Mensken, un socke Augen häft ne gewoltige Macht op use Gemöt. Owwer mangsen was et auk, äs wenn dat düstre Woldauge bländig unnerlaupen was; dat kam dör den rauden Schin von de Rautböcken, de rings üm den Kolk stönnen. Un so sürig raut süht man jä auk dat Menskenauge, wenn de wilde Lidensthop dat Blaut tau Höften driff. Gruselik schön was et an den Düwelskolk. Un no grüggelikor wor mi't, äs ik op eemol sog, dat ik met minen Arm op'n Denksteen liende, den ik vörhär nich saihen hadde. Op den Denksteen stonn unner twee inenanner verwassene Härten schriewen:

Schön Althe verdrunk,
 Graf Eckbärt versunk,
 De Härgott mögg't är vergiwen!
 En laislifen Sang,
 Den Bösen sin Klang,
 De hät in dat Water se driewen.

Mi öwerlaip en Schudder. Hu! villicht was den Grafen sin Auge auk so swatt, so vull un so daip, so sürig, so glainig. — Hör! was et nich, äs wenn da Een süßt härr? — Ik woll opspringen un wäglapen, owwer äs ik wier in dat swatte Woldauge keek, was mi t, äs wenn ik bannt wör.

De Wind owwer ruschede dör de Bäume un sung:

Huhu! Graf Eckbärt!

Här Eckbärt, Graf von Duttkenholt
Ritt von sin Sloß na'n Hullenwold.

Graf Eckbärt dör de feller jußt,
Äs Sturmwind dör de Wäller brust.

Graf Eckbärt mäck in düse Nacht
Sit siemtaihn Jahr de wille Jagd.

Wenn auf fin Man of Stärken lacht,
De Hiemel sölfs met Dunnern fracht,

De Graf mott satteln sinen Hengst
Un rien in Naut un bange Ängst.

Un vör em sitt en grülik Wicht,
Slütt an sin Borst är wild Gesicht:

Sin böß Gewieten met em ritt,
Dat moß so bleef em un so witt!

Dat moß em gris de swatten Har,
Verlait em nich sit siemtaihn Jahr.

Jüst siemtaihn Summer harr se saihn,
Jüst siemtaihn Maien droff se blaihn,

Von Duttkenholt dat blunde Kind —
O Rüter! renns jä äs de Wind.

Schön Uthe, Graf! is lange daut,
Är fwält nich mär de Härtensnaut.

Dör siemtaihn Jahr in stille Nacht
Da hät schön Utthe sälig lacht.

De Rautböck hir, de hät et saihn,
Et was bi'n ersten Kuckuckschrain.

Da firtes, Graf von Duttkenholt,
Du Hochtidsnacht in'n Hullenwold.

Un na en Jahr gong still alleen
Schön Utthe in den Wold un green.

Süh hir de Rautböck, wu so raut,
De Blädder sind so raut äs Blaut!

Süh hir den swatten Kolk, so daip,
So düster, hör! we raip, we raip?

„Graf Eckbärt! kum, iß sin so bang,
Graf Eckbärt! kum, iß wocht al lang.“

„Schön Utthe un en Grafenkind
Hir unnen bai tausamen sind.“

„O kum un niem us op din Roß
Un breng us na din Grafensloß!“

„De Tid is üm, vörbi de Kwal,
Graf Eckbärt, reets taum lesten Mal!“

Graf Eckbärt treckt den Dolch herut
Un prückt den Hengst, de schümt vör Mut

Un bäumt siß haug un springt heraf
Un drägg sinen Rüter in't natte Graf.

De Wellen sprüüft, de Biefe brüft,
Dör'n Hullenwold de Sturmwind süft.

Huhu! Graf Eckbärt!



Tau late.

Se ligg in't Brädderhüsken,
Är Suhn ligg in de Knai,
He grint so lut un hadder,
Se hört nich sin Geschrai.

So lange harr se wochtet,
He kam nich wedder trügg,
In Sus un Brus sin Läden,
He sollt är Härtleed nich.

„O Suhn! häs mi vergäten,
O denks nich mär an mi,
Denks nich mär an din Mauder,
De läwet blot för di?“

So lange hät se wochtet
Un stille süfft üm di.
Da konn se't nicht mär drägen,
Un endlif was't vörbi.

Nu büs tau late kumen,
Se süht di nich mär an.
„Min Suhn! ik häf vergiwen“
Se nich mär seggen kann.

Doch still! du dräfs nich grinen,
Du sölwer mößs den Sark,
De Nägel un de Brädder,
Du mößs se spitsk un stark.

Wat grins du denn so hadder?
Du häs et jä so wollt:
De olle, olle Mauder,
Se hät jä stärwen sollt! —

Derbuten rast de Härffstwind;
So wild he hült un jußt,
In Suhneshärt derbinnen
En Sturm no stärker brust.



De rugge Wilm.

De Klock slog twälf.

Un stille Ruh is överal
Un nörgens mär en Dageslut.
De Landschop ligg in daipen Slap
Äs rest se sif von Arbait ut.

De Man an't blae Hiemelstelt
Kickt fröndlik op de Är hendal,
Un wo sin milde Auge stralt,
Schint Ruh un fräden överal.

Doch ne! da op den Schultenhof
 Da wakt alleene no en Mann.
 Den nich de Slap de Augen slot,
 De nich in Fräden ruhen kann.

Süh! äffen trätt he op den Hof.
 Wu wild verstört is sin Gesicht!
 Wu sliedt he sik so schü dahär,
 Äs schüd' he söls dat Mandenlicht!

Wu spölket he, of Nüms em süht!
 Un wu he süfset, ankt un stühnt!
 „O Mann! drückt di so sware Schuld?
 Of is de Seele di betühnt?“

„Segg an, wat woß in late Nacht,
 Wat woß du denn met Schut un Äcks?
 O rugge Wilm! wat häs du vör?
 Hät di verweert ne laige Häcks?“

„Woß säuken en vergrawnen Schats,
 De in de Är verborgen ligg?
 Of häs du Böses in den Sinn?
 Verdrägg din Don dat Daglicht nich?“ —

Ne Ule schraide. Wu he bieft!
 Wu bleef un fahl sin Antliet wät!
 Wu süht he sik so ängstlik üm,
 Wät em so arg verfeeret hät!

Süh! nu op eemol löpt he fütt
In dulle Hast da öwer't Schemm
Un rennt so ilig dör den Kamp
Äs wörn Gespenster achter em.

He löpt, he rennt büs an den Wold
Büs vör de düstre Woldslucht hen.
Da staiht he still, äs wör he bannt,
Äs wörn em bunnan fäut un Hänn.

„Wat sühs du denn so fürchterliks,
Wat bannt di vör de Slucht so fast?
Mains du, et wör en bleeken Geest
De Birke da met witten Bast?“

„O Wilm! nick's Gudes kann et sin,
Wat du met Angst in Härten drägs,
Nick's Gud's, wat in de Slucht di driff —
Wul bäter still da unnen lägs!“

Nu swacht he in de düst're Slucht,
Boll staiht he still, boll gaiht he wier —
Op eemol, hör! wat lacht he wild!
Segg, fünns de Stell? Was't hir? Was't hir?

Jauwul! jauwul! hir is de Stie,
Hir is de daimessiekre Platz,
Da bi den Dörnbust in de Är
Vergrof he sinen düren Schatz.

Wu glainig sine Augen glöht,
 Da nu in feewerwilde Hast
 He met de Äcks un Schut hanteert
 Un haut un gräff ahn Ruh un Rast.

Un ümmer daiper dringt de Äcks,
 Un ümmer breeder höhlt de Schut,
 Un ümmer högger stigg de Angst,
 Of auk de Schats no siefer ruht.

Nu süht he em, he bückt sik dal.
 „Eigg da de Schats? Fünns du em, Bur?
 Sühs du de Kist mit idel Gold?
 Wat ficks du denn so gruslik stur?“

„Morüm denn bücks nich daiper dal?
 Wat staihs du denn so stur un stupp?
 So grip doch, grip doch na den Schats,
 Of mains, he stönn von sölwer up?“

Nich is't ne Kist met idel Gold,
 Nicht lacht em blenkert Sülwer an:
 Twee opne Mensfenaugen sind't,
 De Augen von en dauden Mann!

Dat Antliet von sin eegen Bror,
 Sin Vaders Suh'n, sin Mauders Blaut,
 De Ärffschult von den Schultenhof,
 De rugge Wilm, de slog em daut!

De rugge Wilm staiht da so stur,
 He ficht un spölket so verlorn —
 Un Braudermörder! frisch he wild —
 De rugge Wilm is unwis worn.



Winter.

We is in witten Mantel
 De olle grise Mann,
 De dör de fahlen feller
 Da gienten künt heran?

„Dat is en Daudengräwer,
 De gräff de Ür dat Graf:
 Kin Blättken un kin Bläumken
 No länger läben draff.“

„He kam met Snee un Hagel,
 De smitt op't Graf he gau,
 Met Js decht he de Kulen
 Un flütt un Bieken tau.“

„He kam met Kraihn un Ulen,
 De singt den Grafgesang;
 Min Susen un min Brusen
 Js Daudenfloekenlang.“



Vergiewens.

De trüen, guden Augen
 Kift em no eemol an,
 Dann lütt se se för ümmer;
 Alleen is nu är Mann.

De staiht, äs wör he nagelt
 Met isern Nägel fast,
 Äs drögen sine Schullern
 Ne graute, sware Last.

„De trüen, guden Augen!
 De Laifde drin was din!
 O Mann! könnst du nich föhlen
 Darin de stille Pin?“

„Är kindlik-fromm Gemöte,
 De daipe Andacht drin!
 O Mann! konn weef nich wärden
 Din hatten, wilden Sinn?“

„De raine Seelenguthait,
 Dat dugendsame Härt!
 Mann! konn din räuflos Läben
 Nich wiken Rü un Smärt?“

„O Mann! se was din Engel,
 Den Gott taum Schuts di gaff;
 Du häs em von di wiesen,
 He wand sik von di af.“ —

De Augen blift em dröge,
En trurig für da brännt,
Dat kann fin Water dämpfen,
Dat für, dat brännt un brännt.

Dat brännt — denn ut fin Härte
Kin Thrän mär kumen will:
Wo't Härt en Steen is woren,
De Thränenbief staiht still.

De Sturmwind kann wol bräfen
Ne starke Rifenее,
En steenhatt Mensfenhärte
Mäck söls de Daut nich weef.



Ellernlaisde.

Ik jog wat von de Ellernlaisde, vertellde de Wind. Et was bi en paar olle Lüde, wo ik von Nacht weft fin. Late wören de baiden Ollen an den Abend tau Bedde kumen. Denn de verliefene Dag was de schönste Lébensfirdag för är weft; se hadden de güldene Hochtide firt. Niegen Kinner wören är eegen, un alle wören kumen, dat schöne fest met tau firn. Denn se höngen alle met Laisde an äre guden Ellern. Ne graute fraide was dat weft an den Dag för Ellern un Kinner un Kinnerkinner. Nu owwer läggen se alle un slaipen. Auf de Güldenhoctidslü läggen

in dat graute Hiemelsbedde un slaipen. Twee graute Härten ut Goldpapir met de Tal 50 hängen an den Beddefwaſt öwer är. De Mander drömde von ſik ſölwer; denn ſe ſöll naigſtens Ankemander wären, un da drömde ſe nu ganz ſieſer, dat et en Mäken wör, dat ären Namen freeg. Auf de olle Mann drömde. Owwer he wor midden in'n Draum wach; denn em ſoll in, dat he wat Wichtiges vergäten harr. Sachte ſtott he ſine Frau an. Owwer ſe wor nich wach. Da ſtonn he alleen op un lagg ſich op de Knai un bät'te ſin dägliſ Morgen- un Abend-Gebät taum laiwen Härgott, dat Gebät för ſine Kinner.



Dat Sniderdönken.

Ik ſog en merkwürdigen Denkſteen, vertallt mi de Wind. He ſtaiht op'n weſtfälſken Kärthof un is ut't vörige Jahrhunnert. Dat ſteenern Krüts is ſwarens äs annere Krütſer auf. Män wat drop ſtaiht, dat is ſonnerbar.

Op de Dödersſit ſühsde en Siegenbock; drop ſitt en klain, krummpuckeliſ Kärſken, met en Bart äs en Hittebuſ un en Naihaut äs Helm op'n Kopp. De Taum, den he in de Hand hät, is ſo dünn äs en Twärnsſam. Un ſine Sit owwer hängt ne graute Schär, dat is ſin Säbel, un twee Naihadeln ſind ſine Sporn. Unner dat

Beld stahht prämpelt: Hir ligg Meester Knopp,
Snider un Dichter ut Pralspott. He is 77 Jahre
olt worn. Un denſölwen Dag, äs em de Daut
met ſine Meesterschär den Lébensſam affniepelte,
dai auf de olle Liſa, ſine triie Hitte, de Augen
tau un ſtarf. Meester Knopp is auf de Dichter
von dat allbekannte Sniderdönken, wat op de
Trüggſite von düſen Denkſteen ſchriewen ſtaht.

Un op de annre Sit ſtomm würkelt dat Snider-
dönken. Schrif't op! Et wör ſcha, wenn't ver-
loren göng. De Sniderslü omwer wärt ſif fraien,
wenn ſe't tau läſen frigt.

So lütt dat Dönken:

Un wenn de Snider raiſen will,
Un hät he jüſt kin Geld,
So ſett't he ſif op'n Siegenbuck
Un ſecht't ſif dör de Welt.

Un wenn de Snider friggen will,
Un hät no finen Bat,
So ſchärt he finen Siegenbuck
Un mäck ſif ſtif un ſtat.

Un wenn de Snider prügeln will,
Un find't juſt nich de Ell,
So jägg he finen Siegenbuck
Dat böſe Wiſ op't ſell.

Un wenn de Snider hiemeln will,
So bliff he auf nich ful,
He sett't sik op'n Siegenbuck
Un nimt den Stärt in't Mul.

De Düwel, de em riden süht,
Lät richtig em vörbi,
He maint, de Kär! op'n Siegenbuck
Wör een von sine Lü.

Sünt Peter owwer winft un röpt:
„Hehe, du Snidergesell!
Wenn du villicht na'n Hiemel woß
So büs an rechte Stell.

De Snider op den Siegenbuck
Ritt froh dör't Hiemelsdor.
Dann snidert he sneewitte Röck
för't ganze Engelchor.



Draum un Wütkeltait.

Se wihten ne nie Kärke in, if was derbi,
vertellde de Wind. If was dör't opene Chor=
fenster flogen un satt op de steernerne Blaume
von den schönen Haugaltar. Kiner kunn mi
saihn, owwer if sog se alle. Op den Prägstaupl
stonn de Priister un prägde tau sine junge Gemainde.

Dat Dorp was no fine twintig Jahr olt. En rifen Fabrikhärn harr et baut, een Hus na't annere, un endlif auk de Kärke. De wor nu inwiht. Un alle, de da wören, drögen firdagsfleeder, un alle luferten met Andacht op dat, wat de junge Prifter tau är fagg. He prägte von de ömer Alles gewoltige Macht von de Laifde, wecke de Menfken tau Engeln un de Ärde tau en Hiemelrik mök. De junge Prifter fprok ut warmen Härten, un de em fo prägen hörten, wören week, un viele von är kämen de Thränen in de Augen.

Owwer Kiner von är alle dach daran, dat an defölwe Stie, wo nu dat Dorp ftonn, vör no nich hunnert Jahr ne fürchterlike feldflicht was, Kiner von är wuß, dat jüft da, wo nu de Kärke ftonn, en grauten Daudenbrink was, wo viele duſend Menfkenläwen begraben ligt.

Ik owwer fog den glainigen Haß, womet de Menfken Menfkenblaut in Ströme vergoten, ik fog den ruggen Daudengräwer in blaen Rock met rauden Kragen, wu he duſende von Männerläben hir in de Ärde lagg.

De Dauden owwer da unner de Kärke. Wat mügt ſe wul dacht hääben, äs ſe den jungen Prifter ſine Wörde von ewige Laifde un ewigen fräden hörten? —



Wu de Musik von'n Hiemel kam.

Dat de Musik von'n Hiemel is, wiet't ji sieker alle wul. Denn süs säggen ji nich „De Musik is ne hiemliske Kunst“ of „de Musik is hiemlist-schön.“ Owwer wu de Musik von'n Hiemel op de Erde kumen is, dat is ju gewiß no nich bekannt. Jk wüß't auf nich, wenn mi't de Wind nich vertellt härr. De owwer mott et wieten; denn he is jä de ewige Musikant in de Natur, de alle Instrumenten spielt, de't män giff. Of häjji no nich hört, wenn he op Wolken da-härbrust un op de graute Weltposaun sin gewol-tige Heldenleed blöß? Häjji no nich in Andacht lustert, wenn he in den härliken grönen Wolddom met de slanken Pilers un de spitsken Bogens dat mächtige Örgel brusen lött? Häjji nich faken de fraide hat, tau tau hören, wenn he met de lustige Biefe en Duett mok, de Biefe op de sülwerne Klarnet un he op de flaitpip ut Raitrohr? Un wu schön klung't, wenn auf Frau Nachtigal met-spielde of alleen en Sololeedken sung! Dat is dann en Naturkonzert, äs ji't schöner in finen Musiksaal tau hören frigt, nich wahr? Un dann erinnert ju es dran, wenn ji mol in't hauge Gras lägen häßt; wu hät he da op sine Vigeline herümsidelt! Odder wenn ji unner'n Baum, be-sonners so eenen met lange spitsken Blädder, s'ten häßt; wu dat wispelde un rispelde un süfelde, erst

finnig un sacht, gans lise, dann stärker un ümmer stärker answoll, biis et endlifs mächtig ruschte!

Un we von us is dat nich al passeert, dat wi derbuten gans verwünnert op eemol stahn bliewen sind? Kling flang! lutt et, un richtig! da spiede de Wind sin sonnerbar Stück op de Windharfe; et flingt as wenn't von Menskenhand geschöh. Gans siefer! de Wind is de ewige Musifant, wenn sine Musif auf ne annere is as de, wecke de Mensken bedrift. Owver he weet, wu düse hiemliske Kunst op de Erde kumen is. Passt män op!

Et is met gans natürlife Dinge taugahn, fong he an. Als Gott de Här de Welt boll färig harr, steeg he von'n Hiemel na de Erde herunner, üm da de leste Hand an tau leggen. Mürt was se al. Owver se was no nactigt un fahl. Grön Gras owver un bunte Blaumen, Planten un Böme un lebennige Dirs söllen drop wassen, damet de Mensk gärne op Ärn wuhnen könn. Drüm fain de Härgott nu met de Engels na de Erde, üm se wuhnlif tau maken un taulest auf no den Mensken tau erschaffen. De Engels drögen em de Reeschop, Sattorn, Planten, Steener un Lehn un wat he süs no nödig hadde. Ertsengel Gabriel drog den Bauplan, worop Alles afteefent was, auf dat erste Menskenhus, worin Adam un Eva wuhnen söllen. De Cherubims un Seraphims owver, de hiemlissen Sänger un Musifanten drögen de Musifinstrumenten. Denn

se mößen datau singen un spielen, äs Gott de Welt erschof. Un de Ärde was denn endlif auf so wit färrig, dat se met schönste Maienpracht andon blaut no op den Mensken, ären Härn wochte. Un Gott bückte sif dal un erschof den Mensken na sin Ebenbild.

De Engels süngen un spielten datau so wunner schön, dat de Stärns an'n Hiemel gans sälig lusterten. Da owwer hät et op eemol fürchterlif fracht un dunnert; daröwer häft sif de Engels so verfeert un verschrocken, dat se de Instrumenten fallen laiten un ilig wier na'n Hiemel trügg flögen. Dat Krachen un Grumeln harr de Düwel don, üm den laiwen Gott tau tärgeren, damet de Mensch nich so wärn könn, äs Gott dat woll. Gotthär is denn auf den Düwel nalaupen, üm em tau packen. De Mensch owwer is daröwer vergäten bliwen un op soße Wise nich tau Vollendung un Vullkumenhait kumen.

De Instrumenten owwer hät he henocher funnen un damet is em en schön Hiemelsgeschenk tau Deel woren

Denn de Musiik is et, de us met äre Wunner-
tön seggen kann, wat wi an Lust un Leed in use
Seele drägt un woför wi fine annere Sprake
häft. Un wenn se klingt, swäft use Seele von de
Ärde wäg sälig na'n Hiemel.



Dat hauge Leed an't Vaterland.

Ik sog en echten dütsken Mann, vertallt de Wind. Boben in'n Norden stonn he an'n Meeresrand un keek na Süden in sin Heemaudland. He sung en Leed an't dütske Vaderland.

Dat Meer ruschte gewoltig, äs wör et mächtig bewegget. Ik owwer spielte op de Äolsharfe, de in de steernerne Meeresbucht hong, de schönste Melodi tau dat Vaderlandsleed, dat also lutt:

O Dütskland, du min Vaderland!
 Wu doch dat Wort so mächtig flingt,
 Wu't stolt un doch so heemlik sacht,
 So stark un mild dör't Härte dringt!

O Dütskland, du min Heemaudland!
 So vull von stolte Männerkraft,
 So trü in Wort äs stark in Dat,
 In di flütt ewge Lebensaft!

O Dütskland, du min Härtensland!
 Wo echte Frauenlaifde blaiht,
 Wo Schönhait nich ahn Sittsamfait,
 Wo raine Dugend nich vergaiht!

O Dütskland, du Gedankenland!
 Wo dütske Geest so sunnenklar
 Dat Denken un dat Wollen lenkt,
 Wu strahlt din Höwed wunnerbar!

O Dütssland, min härtslaifste Land!
Wo häf't di laif, du dütst Gemöt!
Äs Mandenlicht so mild un weef,
So rif un doch dör Eenfolt söt!

O öwer Alls, min dütste Land,
Du aller Länder Künigin!
Haug öwer alle Völker löcht't
Din hauge Art, din haugen Sinn!

Kumt, dütste Männer! dütste Fraun!
Kumt an un lowt met Härt un Hand:
Tau wicken nich von dütste Art
Un trü tau fin ju Vaderland!



Dat Låbens-Blatt.

Da: Menskenlåben is en feld,
De Mensk bebaut't äs Afersmann,
En Jeden soviel tau is dellt,
Äs he met flit bestellen kann!

Bevör if di Adjüs segg, laiwe Landsmann!
mott if di no dat Låbens-Blatt wisen, dat mi de
Wind för di, för mi un för us Alle tauhört hät.
Et was en pergamenten Blatt, dat he mi tau-
drog, un äs if et opnam un em frogg, wat if
damet anfangen söll, sagg he: „Niem't met na
Hus un hang't in dine Kamer öwer din Bedde
op, damet du't morgens un abends läsen kanns;
un wat drop staiht, schrif för dine Landslåde fin

un suber af; mangeren künnt von den rechten
 Lääbenspatt af un gaiht op de Ribbelbahn, man-
 geren kann't brufen." We't west ist, de dat Blatt
 verloren hät, woll mi de Wind nich seggen.
 Omwer sieker is dat Blatt ut dat Lääbensbauk,
 un de, we et schriewen hät, is ganz gewiß Eener
 west, de't met di un mi un met alle Mensken
 gut maint; un drüm wiwwi de guden Ratsläge,
 de he us giff, gärne annienen un sine Wörde daip
 in use Härt schriwen, nich wahr?

Holl an, min laime Ackersmann!
 Ik bidde, dat es stille staih
 Un sühs di mol bedächtig an,
 Wat trüggess ligg, ähr wider gaihs.

Du siecks verwünnert, Ackersmann?
 Ai jau! di main't, din Ackerfeld!
 Kik nipeu tau un segg mi dann,
 Of Alles drop auf recht bestellt.

Du wees nich recht, wat seggen sag?
 Ai nu! ik main, of auf Verstand,
 De Knecht met blanken Plaug et was,
 De plögde op din Ackerland?

Ik main, was auf de Reeschop recht,
 Häs brukt se met Bedacht un flit?
 Wörn Korn un Kinen auf nich schlecht
 Un häs du sait tau rechte Tid? —

Du schüttels trurig met den Kopp? —
 De Saten staht doch haug un stat! —
 „Op'n Acker is auf Unfrut drop“,
 „Laig Unfrut unner gude Sat.“

T'is slimm! T'is slimm! Doch tröst di, Frönd!
 Kin Läben ahne Fähler bliff;
 Doch wees jä, dat wi't ännern könnt,
 Wenn män Vernunft tau Bätzung driff.

Dat is ne wackre Magd, nich wahr?
 De nicks ahn Öwerleggung döt,
 De Alles süht so sunnenklar
 Un Alles recht tau maken weet!

Wat seggs? Se gaff nicht ümmer Acht,
 Sog nich op Alls in Hus un feld? —
 Frönd! hölls auf sölwer ümmer Wacht,
 Wenn sif de Unvernunft hät mellt?

Verlait di mangsen nich Vernunft,
 Jögs du nich fütt de früe Magd?
 Sunn Unvernunft nich Unnerkunft,
 Hät Eidschop nich bi di dagt? —

O Frönd! wo düse twee regeert,
 Da is't üm Alles slecht bestellt:
 De Kin vergaiht, dat Korn verreert,
 Dat laigste Unfrut schütt in't feld.

Din Auge stralt so klar un fri?
 Nich wahr, du söls di schuldenrain?

Dat Bätre hät de Macht in di,
De ruggste Sturm kann't nich verwaihn! —

Doch segg, wu staiht et üm de Bief,
De wätern mott din Ackerland,
Damet de Gras- un Blaumendief
Kann laislif decken Lehm un Sand? —

Din Antliet wät so mild un weef,
So laif un fröndlif sühs mi an?
O kum, de Hand, de brawe reef,
Ik pris di glückelf, Ackersmann!

Wo Laifde dör dat Lāben flütt,
Da flütt de beste Lābenssafft,
De't jötste Glück in't Härte gütt
Un met sik brenget Sägenskraft.

O glückelf! wo nich Haß de Steen,
De ären Laup entiegen staiht:
De raine Menskenlaifd' alleen
Is Lābensborn, de nich vergaiht.

Kim Wörtfen spräck de Laifd' ümsüs,
Den Lauhn dat eegen Härte giff,
Kim Laifdesdat den Wärt verlüß,
Taum Traust Erinnerung ewig bliff. —

Du süßes, Frönd! un wißt voll Smärt
Op't Hailandskrüts, dat gienten winkt
Als Teeken för dat Menskenhärt,
Dat Eiden dör dat Lāben flingt?

O segg, kann kennen fraid un Lust,
 We nich von Pin un Eiden weet?
 Dat si di hopnungsvull bewuht
 Dann drägs gedüllig auf din Leed.

Un is't denn anners in Natur,
 Wo morgen fällt, wat hüte staiht?
 Ahn Eiden läst fin Kreatur,
 Wat wät, mott liden, büs't vergaiht.

Da denke dran, dann wät din Sinn
 Na falsche Lebenslust nich stahn:
 Ne Seepenblas! de Wind blöf rin,
 Gau mott de bunte Schin vergahn.

Doch echte fraiden Blaumen sind,
 De trösten könnt in Pin un Naut,
 De blaihen könnt trots Sturm un Wind
 Un sölfs versöten könnt den Daud.

O Kinnerlaisde, frauentrü,
 O Männerfröndschop, wu so schön
 Könnt met de Laifdesfarwen ji
 Dörwäwen us dat Lebensgrön!

Du grips so ilig na min Hand?
 Auf düse Blaumen drägg din feld?
 Dann, frönd, wünsf di fin bäter Land,
 Den schönsten Schats häs op de Welt. —

Män nu, Gott help! Här Adersmann!
 Mat hennig tau, dat wider küms,

No eemol segg't di't, denk mi dran,
Dat Härt un Kopp tausamennims!

Schaff wacker, frönd, för Frau un Kind!
So ilig laupt de Stunden futt,
Kum dat de Urbait Anfang find't,
Hät auf de Abendklock al lutt.

Gott help! dat rechten Sägen strais!
Et flingt so fröh de Dautsposaun.
Drüm sorg, dat enstens gut bestaih's
In Wort und Dat vör Gottestraun!



Wörter-Verzeichnis.

ächter = hinter
 Äcks = Axt
 äffen, äffkes = eben
 aislif = häßlich, schändlich
 al = schon
 Anfemauder = Urgroßmutter
 anken = ächzen
 Ansefi = Anna Sophia
 appat = aber
 Är, Urde = Erde
 Ärffchult = Erbschulze
 äs, as = als
 bai = beide
 batt = nützt
 Bast = Rinde
 Baumeſter = Oberknecht
 benaut = beengt, beflemt
 Beſchüt = Zwieback
 Beſmor = Großmutter
 betüñnen = bezaubern,
 bestreichen
 Bief = Bach
 biefs = beßt
 Biſterbahn = Irrbahn
 bla = blau
 blenkert = blinkend

Böck = Bock
 böſken = laut ſchreien
 boll, bolle = bald
 bollern = poltern
 Bolts, Boltſen = Kater
 Brinf = Hügel
 Bücks = Hoſe
 Bullerjan = Polterer
 buten = außen, draußen
 Buterſchin = äußerer Schein
 dängeln = klopfen, vom
 Schärſen der Senſe
 dai, daien = that, thaten
 daip = tief
 dal = herab
 derdale = zu Boden
 den = her
 Diſ = Teich
 dömpen = dämpfen, löſchen
 Dönken = Liedchen
 dör (kurz) = durch
 (lang) = thöricht
 Dorwind = Wirbelwind
 droff = durfte
 drög = trocken
 Drümelhans = Zanderhans

Dunnerbüßen = Donner-
 büchsen
 es = mal, einst
 es mol = einstmal
 fak, faken = oft
 fakemang = oft genug
 sam, fämken = faden,
 fädchen
 faßt = fest
 fats, fatsen = sofort
 firamtsstille = Feierabendstille
 flitf = flügel
 fraisen = frieren
 friggen = freien
 Gäruer = Gärtner
 gau = geschwind, schnell
 Gejäl = Katzenschrei
 gibbelig = lachlustig
 gienten = hinten
 glainig = glühend
 Glorärfekes = Glühwürmchen
 Gneesepot = Grinser
 gnüggeln = schnunzeln
 Godori! = ein Fluch
 grinen = weinen
 gris, grifig = grau
 grumeln = donnern
 hadder = hart, heftig
 häjji, häst ji = habt ihr
 Härgottspärdken = Marien-
 käfer
 häwwi = häst wi = haben wir
 hellfken = höllisch, ungeheuer

hendal = hernieder
 hennig = behende
 hott un har! = rechts und
 links! vom Lenken
 der Pferde
 Hiege = Hecke
 Hitte = Ziege
 Höft, Höwed = Haupt
 hö't = hüten
 Hucht = Strauch
 Hullenwold = Wald der Fran-
 Holle
 humpeln = hinken
 Haut = Hut
 Jmt = Frühstück
 inböen = einheizen
 inf = euch
 jöhen = laut singen
 f' abgefürzt für if = ich
 Kamp = Weide, Feld
 Kärftorn = Kirchturm
 fiken = sehen
 Kin, Kinen = Keim
 klabaftern = lärmend laufen
 klait = kragt
 Köhle-Külken = Grübchen
 zum Kühlen
 Klüangel = zerrißene Klei-
 dungsstücke, Lumpen
 Kolf = tiefe Stelle im Bach,
 Teich o. a.
 Koppwic, Koppwiede =
 Kopfweide

frijölē = lärmend jauchzen
 Kule = Grube
 kuren = reden, sprechen
 Küte = Wade
 kwič = kregel, lebendig
 Kwicštart = Bachstelze
 laige = böse, schlecht
 lat = spät
 lecht = hell
 Lewerinč = Lerche
 Lucht, Luft = Luft
 lüč = wenig
 lurig = laurig, betrübt
 lustern = lansen
 lütč = klein
 Mäfen = Mädchen
 män = nur, aber, jedoch
 Man, Mand, Mänfen,
 Möndfen = Mond,
 Möndchen
 mangs, mangfen = manchmal
 moč, mott ič = muß ich
 mö = müde
 Möhn = Tante
 Naigde, Nāgde, Nōgd = Nähe
 nang, genau = genug
 niegen = neun
 Niewel = Nebel
 nipen = nahebei, bedächtig
 nömen = nennen
 nörgens, nörens = nirgend
 Nüč = Tüde
 Nüms = Niemand

owwer = aber
 Pārsč = Pfirsich
 Patt = Pfad
 piečswatt = pechschwarz
 Plang = Pflug
 plärn = stark regnen
 prägen = predigen
 Prāgstanzl = Predigtstuhl
 prämpeln = Fraktur schreiben
 prüčfern = mit spitzen Gegen-
 stand stechen
 Prumenbaum = Pflaumen-
 rabrafen = tosen [baum
 rāngstern = lärmern
 Raitrohr = Riet
 Rautböčfen = Rothbuchen
 reern = fallen
 Reesčop = Geräthschaft
 Ribbelbahn = Irrweg
 richt = gerade
 riddern = zittern
 rien = reiten
 röčterig = erregt
 rögen = regen, rühren
 rüg = ruhig
 rugg = rauh, wild
 Ruten = Fenster Scheiben
 Ruten Bur = Eckstein Bauer
 im Kartenspiel
 säč = sechs
 Sais = Sense
 Schemm = Steeg
 schennen = schimpfen

Schür = Scheune
 Schnt = Spaten
 siemtaihn = siebzehn
 sig = niedrig
 sinnig = (sinnend) leise, sacht
 Slipstärk = Schleifsturz
 Spirken = Spürchen
 fin Spirken = fein Spürchen
 splentern = spritzen
 spölken = starr blicken
 Spricker = Reiser
 spürtern = spützen
 Stowe, Stöpfen = Stube,
 Stübchen
 Striepelröwen = Stielrüben,
 scherzhaft für Hiebe
 stupp = stumm
 stur = starr
 süs = sonst
 Süster = Schwester
 swacken = schwancken
 swart = schwarz
 Taihnürken = Zehnührchen
 als Frühstückszeit
 't abgefürzt für et oder dat
 tårgern = ärgern
 Tewen = Zeh
 tiegen = gegen
 törnen = thürmen
 trocken = ziehen
 trügg = zurück

trufeln = rollen
 Tun = Jaun
 tüßen = zwischen
 Twärnsfam = Zwirnsfaden
 Unnerstunn = Unterstunde vom
 Nachmittagschläfchen
 Unwär = Unwetter
 Utstür = Aussteuer
 verfeeren = verschrecken
 verlais = verlier
 verliden = vergangen
 verreern = ausfallen
 vertellen = erzählen
 verwämsen = aufs Wams
 hauen
 verweert = verwirrt
 wahn = wüthend, groß, sehr
 wålig = ausgelassen, wohlilig,
 besonders von Pferden
 wålmåudig = übermüthig
 wåt = wird
 weefte = weist du
 Wicht = Mädchen
 Wiedenfåttken = Weidenfåtz-
 wier, wedder = wieder [chen
 wiß, will ik = will ich |
 wijji, willst ji = wollt ihr
 Wisf = Wiese
 wohten = warten
 woß = willst du
 zad = zart.

- Augusti, Bertha. Erinnerungsblätter aus dem Leben einer deutschen Frau. Mf. 1,—, geb. Mf. 1,50.
- Bär, Berthold A. Die Grafen von Manderscheid. Ein Sang aus der Eifel. Mf. 1,50, geb. Mf. 2,50.
- Barazetti, Sophie. Mammon. Roman in 3 Büchern. Mf. 2,—.
- Barbier, Jules. Nero. Ein dramatisches Gedicht in 5 Akten. Freie deutsche Bearbeitung von Adolf Ebeling. Mf. 1,—.
- Bennert, J. C. Trunkunst. Mf. 1,50.
- Brödy, Alexander. Eine Doppelseele. Roman. Mf. 2,—.
- Die Tote. Roman. Mf. 2,—.
- Colombi, Marchesa. Ein Geständnis. Erzählung. Mf. —, 50.
- Cüppers, Ad. J. Im Banne der Wiedertäufer. Roman aus dem 16. Jahrhundert. Mf. 4,—, geb. Mf. 5,—.
- Dünker, Heinr. Goethes Verehrung der Kaiserin von Oesterreich, Maria Ludovica Beatrice von Este. Mit dem Bildnis der Kaiserin. Mf. 1,—.
- Ebeling, Adolf. Fürstin u. Professor. Mf. 2,—, geb. Mf. 3,—.
- Das Geheimnis des Priesters. Erzählung. Mf. 2,—.
- Thürine. Dorfgeschichte. Mf. 1,—.
- Verloren. Erzählung. Mf. 2,—.
- Enking, Ottomar. Vereinsamt. Erzählung. Mf. 1,—.
- Schlanksch'lena. Illustr. Umschlag von D. Eckmann. Erzählung. Mf. 1,20.
- Ragna Ewanoe. Erzählung. Mf. 2,—.
- Galli, E. Ich bin allein. Erzählung. Mf. 1,—.
- Hedberg, Tor. Judas. Eine Passionsgeschichte. Illustr. Umschlag von D. Eckmann. Mf. 2,—, geb. Mf. 3,—.
- Humperdinck, Gustav. Auf der Lebenswanderchaft. Gedichte. Mf. 1,—, geb. Mf. 1,50.
- Junghaus, Sophie. Um das Glück. Roman in 2 Bänden. Mf. 8,—, geb. Mf. 10,—.
- Kurz, A. Rheinlands Sagen und Legenden. Zweite erweiterte Auflage. Mf. 4,—, geb. Mf. 5,—.
- Langen, M. Gedichte. 2. verm. Aufl. Mf. 2,—, geb. Mf. 3,—.
- Ein Anderer. Roman. Mf. 2,—, geb. Mf. 3,—.
- Lauß, Josef. Jan van Calter. Ein Lied vom Niederrhein. 2. Auflage. Mf. 4,—, geb. Mf. 5,—.
- Der Helfensteiner. Ein Sang aus dem Bauernkriege. 3. Aufl. Mf. 4,—, geb. Mf. 5,—.
- Die Oberstolzjin. Ein Lied aus verklungenen Tagen. 3. Aufl. Mf. 4,—, geb. Mf. 5,—.
- Die Heze. Eine Regensburg'sche Geschichte aus dem sechzehnten Jahrhundert. 4. Aufl. Mf. 5,—, geb. Mf. 6,—.
- Klaus Störtebecker. Ein Norderlied. 3. Aufl. Mf. 4,—, geb. Mf. 5,—.

- Sauff, Josef.** Regina Coeli. Eine Geschichte a. d. Abfall der Niederlande. Roman. 2 Bde., 3. Aufl. Mk. 8, geb. Mk. 10.
- Die Hauptmannsfrau. Ein Totentanz a. d. 16. Jahrhundert. Roman. Mit dem Bildnis des Verfassers. Original-Radierung. 4. Aufl. Mk. 6,—, geb. Mk. 7,—.
 - Der Mönch von Sanct Sebald. Eine Nürnberger Geschichte a. d. Reformationszeit. Roman. 5. Aufl. Mk. 6, geb. Mk. 7.
 - Herodias. Mit Buchschmuck v. O. Eckmann. geb. Mk. 10,—.
 - Lauf' ins Land. Lieber mit farb. Deckelzeichnung von O. Eckmann. Mk. 2,—.
 - Inez de Castro. Trauerspiel in 5 Aufzügen. 3. Aufl. Mk. 2.
- Maarten Maartenz.** Gottes Narr. Eine Knoopstader Geschichte. Roman in drei Teilen. Mit dem Bildnis des Verfassers. Original-Radierung. Mk. 5,—, geb. Mk. 6,—.
- Joost Abelinghs Schuld. Eine holländische Geschichte. Roman in zwei Teilen. Mk. 5,—, geb. Mk. 6,—.
 - Die Liebe eines alten Mädchens. Roman in zwei Teilen. Mk. 5,—, geb. Mk. 6,—.
- Memoiren-Bibliothek.** 12 Bde. Napoleon I. und sein Hof, Fürst Talleyrand, Napoleon III. und sein Hof. Jeder Band Mk. 6,—, geb. Mk. 8,—.
- Olanda, Alexander.** Die weiße Rose. Historischer Roman aus der Jugendzeit Kaiser Wilhelms I. Mk. 4, geb. Mk. 5.
- Perfall, Karl von.** Vornehme Geister. Roman in zwei Teilen. 2. Aufl. Mk. 4,—, geb. Mk. 5,—.
- Die Sangsteiner. Roman. 2 Bände in einem Band. 2. Aufl. Mk. 4,—, geb. Mk. 5,—.
 - Vicomte Bosju. Novelle. 2. Aufl. Mk. 3,—, geb. Mk. 4,—.
 - Die Heirat des Herrn von Radenau. Novelle. 2. Aufl. Mk. 3,—, geb. Mk. 4,—.
 - Ein Verhältnis. Roman. Mit einer Vorrede „Bemerkungen über das erotische Problem“. 7. Aufl. Mk. 4,—, geb. Mk. 5,—.
 - Die fromme Witwe. Roman. 4. Aufl. Mk. 4, geb. Mk. 5.
 - Natürliche Liebe. Roman. 5. Aufl. Mk. 4, geb. Mk. 5.
 - Verlorenes Eden — Heiliger Gral. Roman. 3. Bde. Mit dem Bildnis des Verfassers. Original-Radierung von Professor Arthur Kampf. Mk. 9,—, geb. Mk. 12,—.
 - Das Königsliebchen. Roman. 3. Aufl. Mk. 4, geb. Mk. 5.
 - Wanda. Schauspiel. Mk. 1,50.
- Poiko, Elise.** Hell und Dunkel. Neue Novellen. Mk. 4,—, geb. Mk. 5,—.
- Rehorn, Karl.** Der deutsche Roman. Geschichtliche Rückblicke und kritische Streiflichter. Mk. 4,—, geb. Mk. 5,—.
- Weber, F. W.** Marienblumen. 2. Aufl. Mk. 2,60, geb. Mk. 3.
- Wette, Hermann.** Westfälische Gedichte. Mit dem Bildnis des Verfassers. 2. verm. Aufl. Mk. 1,—, geb. Mk. 1,50.

